

सानसेयारि "बड'सा" खैरालाइयाव
समाज्यादि जिज्जो लोखा थावाय रायथाय, रन्थाय,
सल', सल'बाथा आरो दावबायारि थावनि, पार्क
बाइदिनि सायाव लिन्नाय लिन्बिबां दैथाय हर/
सानसेयारि "बड'सा" खैरालाइया खेबखानाने
फोसावगोन।
बड'सायाव लिन्नायवि हुबा खालाम,
"बड'सा" खै नौथां, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Tuesday ★ 17 August, 2021 Kokrajhar, BTC, Assam ★ Vol.- 31, Issue No. 142 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

बाकसानि दारागावआव
गोमालानो हमनाय मासे
अजगरजिबो मोन्दो

बाकसा, 16 आगस्ट: बाकसा जिल्लानि भारत भुटान सिमनायाव थानाय दारागाव गामियाव दिने गोमालानो हमनाय मासे अजगर जिबो बोखानो हानाय जायो। खौरां मोननाय बादिब्ला दिने दारागावआव थानाय 64 नं बि एन एस एस बिजो लोमोसे मानस दारागाव इक' टुरिजिम ससाइटिनि सोद्रोमाफोर जयै हाग्रायाव पेडलिं हौनो थानाय समाव दारागाव गामियाव मासे बारमिज रक पाइथन थामहिनबा अजगर जिबो बोखानो हानाय जायो। बेनि उनाव हाग्रा बिफानिजो सावरायनायनि उनाव हाग्रा बिफानि सुबुरुन बादिबै बाटाबारि हाग्रा ओनसोलनि सिखव थानाय दिहिरा सरैखाथि हाग्रा ओनसोलाव एस एस बि आरो एन जि अनि सोद्रोमाफोरा हगारानै हैयो। □

मुसलपुराव ड० रबि बर' देहा फाहामसालियाव गं 17 बिसिना गोनां आइ सि इउ इउनिट बेखेवदों सावस्त्रि खोन्दआव नुजाथिनाय बायदि जेंनाफोरखौ बोस्रानो नाजानाय जादों : प्रमद बर'

बाकसा 16 आगस्ट: बाकसा जिल्लानि सदर मुसलपुराव थानाय ड० रबि बर' सिभिल देहा फाहामसालियाव गं 17 बिसिना गोनां आइ सि इउ इउनिटखौ दिने बेखेवनाय जायो। बे आइ सि इउ इउनिटखौ फिटा हानानै बेखेवनानै होयो आसामनि हेण्डलुम एण्ड टेक्सटाइल बिफानिनि मन्थि उखीव गोरा ब्रह्मआ। मख'थावनादि वि टि आर ओनसोलनि बे गिबि आइ सि इउ इउनिटखौ बेखेवनानै होयो। बे बेखेवनाय जायो। □



मिरु आयुस मन्थिआ गोदान दिल्लीनि मरारजि देसाइ
माहारियारि यग फसंथानाव नायगिदिहैदों
मरारजि देसाइ यग फसंथानआ मुलुगनि 1 नं यग
फसंथान महरे सिनायथिजागोन: सर्बानन्द सन'वाल

गोदान दिल्ली, 16 आगस्ट: मिरु आयुस मन्थि एबा दे लामा मन्थि सर्बानन्द सन'वालआ दिने गोदान दिल्लीयाव थानाय मरारजि देसाइ माहारियारि यग फसंथानआव गिबि खेबनि थाखाय नायगिदिहैदों। फसंथानजों लोखा लाखिनानै बिथाड बुडोदि माहारियारि गेजेर थाखोनि मुलुगसोलोसालिजों फेर फाथिनो हानायबायदि भारतआवबो बेबायदि मोनसे फसंथाननि गोनांथिया अरायबो सोमोन्दो गोनां, जाय यग बिथिडव मुलुगनि मादावनो गिदिर गुरुकुल महरे सिनायथि जानो हगोन आरो जेरव यग फोरोंथाय लानाय एबा



नायबिजिरसंनयनि थाखाय यग फसंथानहा थोजासे जानो भारतसिम मुलुगनि गुबुन गुबुन हाथावना खाबु दं। बेनि थाखाय हादोरनि सोलोसाफोरा फेगोन। बुडियारि थाखोनि गोबां नाजानो लोमोसे बिथाड बुडोदि मुलुगनि नांगोन। नायगिदिहैनाय समाव 1 नं यग फसंथान महरे फसंथाननि सामब्लायगिरि ड सिनायथिजायनि बिथिडव (□ 5 बिलाइआव)

एवसुआ सुबुं लांखारनाय आरो ड्रागसनि सायाव सांग्रांथियारि हावाफारि लादों



कक्राझार, 16 आगस्ट: सुबुंफोरनि गेजेरव ड्रागस बाहायनाय आरो सुबुं लांखारनायनि सायाव सांग्रांथि लाबोनायनि थांखिजों थानाय रबिबारखालि कक्राझार जिल्लानि सिखव थानाय औवाबारि दावखिबारिआव दुलाराय बर' फरायसा आफादिनि बान्जायनायाव ड्रागस आरो सुबुं लांखारनायनि सायाव सांग्रांथियारि हावाफारि खुंफुलाडे। कक्राझार जिल्ला आफाद आरो मिरु एवसुआ जुथायै 75 थि उदांसि सानजों लोखा (□ 5 बिलाइआव)

गिबि मन्थिआ रुद्राक्षनि फुलि गायनानै गुवाहाटीनि फेन्सि हाथायाव थानाय गोजाम जोबथेसालिनि बादाखौ पार्कआव सोलायनायनि खामानिखौ बेखेवजेन्नानै होदों

दिसपुर, 16 आगस्ट: गुवाहाटी नोगोरमनि फेन्सि हाथाय ओन्सोलाव थानाय गोजाम जोबथेसालिनि बादायाव मोनसे पार्क गायसन्नायनि बाहागो महरे गिबि मन्थि ड० हिमन्त बिश्व शर्माआ दिने रुद्राक्ष बिफानि फुलि गायनानै बेनि खामानिखौ बेखेवजेन्नानै होयो। हादोरनि गा 75 थि उदांसि सान फालिथायजों लोखा लाखिनानै दिने 75 थि बिफां फुलिखौ गायनाय जायो। बे हावाफारियाव न' लुफुनाय आरो नोगोर साकुलेसन बिफानिनि मन्थि (□ 5 बिलाइआव)



अखिल गगैआ मोसौ
रैखाथि बिलनि हेंथा
खालामनाया

मिनिथाव: आसाम
राइज्योयारि बि जे पि

गुवाहाटी, 16 आगस्ट: आसामनि गिबि मन्थि ड० हिमन्त बिश्व शर्मानि गोखों दैदेननायाव आसाम बिधान सभानि जोबथारनाय बाजेड जथुम्यायव गनायथि जानाय "मोसौ रैखाथि आयेन - (□ 5 बिलाइआव)

दै फुंखा मन्थि पिजुस हाजरिकाआ चिरांनि दै बाना आरो हा खुरखानायखौ खौरां लाफैदों

बासुगाव, 16 आगस्ट: आसामनि दै फुंखा, फोरमायथाय आरो सुबुं फोनांजाव बिफानिनि मन्थि पिजुस हाजरिकाआ दिने बिजनीआव आय दैसानि दै बानानि जाउनाव 2 नं खुजरावगुरिआव पन्नायत आरो गामि जौगाखां बिफानिजों लुफुंजानाय माथावरिया खहा जानायकौ नायगिदिहैनानै दिनेनिक्रायनो माथावरिफोरखौ



फोसाबिफान्ना बिभानानि बिबानिगिरिनो बिथोन होनायजों लोमोसे मंगलबारनिफ्राय पाकुपाइन आरो जिअ बेगनि गोजोरजों माथावरिफोरखौ फोसाबिफान्नायनि खामानिखौ जागायजेनो बिथोन होयो। दै बानानि जाउनाव सन्यासगुरिनि रैखाथि बादायाव थाहैनाय भुगिनांनय नखरनि सुबुंफोरजों (□ 5 बिलाइआव)

कक्राझारआव 75 थि उदांसि सान फालिदों



कक्राझार, 16 आगस्ट: कक्राझार जिल्ला खुंथायनि बान्जायनायाव कक्राझार सरकारि गोजौसिन आरो थांखि गोबां

फरायसालिनि गेलेग्रा फोथायव गाहाय मावफुं सोद्रोमा प्रमद हादोरनि खुंगा 75 थि उदांसि बर'आ बाहागो लानानै सानखौ फालिलाडे। बे माहारियारि फिर्फिलाखौ हावाफारियाव बि टि सिनि (□ 5 बिलाइआव)

रेवरेवा नारजिहारीआ गोग्लैसोनाय गोरिब नख'राव खौरां लाहैदों



गसाइगाव, 16 आगस्ट: बि टि आर सरकारनि बिथोन बादि दिने ब्रै नं जुमदुवार बिबाबनि सिखव थानाय मोनब्रै भिसिदिसिनि सिखव गोल्लैसोना थानाय गोरिब नख'राव थानानै नख'र नख'र हावनां गुबुन गुबुन गामिफोराव नार्यादिनायजों लोमोसे बल्लामगुरि गामिनि गोरिब नख'रावबो सुलाद लाफैदों बि टि सिनि मावफुं सोद्रोमा मुसि रेवरेवा नारजिहारीआ। (□ 5 बिलाइआव)

बाकसा जिल्लानि उन्दै बैसोनि क्रिस्टिलिना बसुमतारीआ केन्सार बेरामजों जुजिगासिनो दं

गिबि मन्थि ड० हिमन्त बिश्व शर्मानिसिम अनसुंथायनि आर'ज गावहरदों

बाकसा, 16 आगस्ट: जाय समाव गावजों समान बैसोनि गथ'फोरजों गेलेनो-मिगागलाबनो, रंजानो नांगोमोन बे समावनो खोमसि लामाजों आगान सुरलादों 3 बोसोर बैसोनि क्रिस्टिलिना बसुमतारी मुनि सासे उन्दै गथ'सानि जिउआ। बाकसा जिल्लानि सदर मुसलपुरनि बेलगुरि गामिनि थागिबि लेनिन बसुमतारी आरो सन्जिता रामसियारी बसुमतारीनि सासेल' नायल'-जाल'



फिसाजो क्रिस्टिलिना बसुमतारीआ गोलाव समनिफ्राय केन्सार बेरामजों जुजिगासिनो दं। मिथिनो मोन्नाय बादिब्ला सोलिफु बोसोरनि थानाय मे दानआव लेनिन बसुमतारीनि फिसाजो क्रिस्टिलिना बसुमतारीआ लोमजानायाव मुसलपुरनि देहा फाहामसालियाव थिसनहैदोंमोन नाथाय लोमजानायखौ सोखानो हायेयाव नलबारि आरो गुवाहाटीनि (□ 5 बिलाइआव)

ढेकियाजुलिआव मन्थि अशक सिंहलआ पार्क बेखेवदों



ढेकियाजुलि, 16 आगस्ट: उदांसि दिव'स साननि लब्बा लाखिनानै हावाफारिनि गेजेरजों मुंखलं नोगोर ढेकियाजुलिनि नामसुबुरि पानबारियाव मोनसे देहानि सर्सा केन्द्र आरो उन्दै गथ' बिबार बागान बेखेवनानै ढेकियाजुलि (□ 5 बिलाइआव)

सुजुगिरिनि खोलोम बर' हारिमु आरो औवा

बर'याव फंसे राव दड- उन्दैयाव सि गानो, देरोब्ला लंथं जायो-। औवा। बर'नि जिउ खुंनयाव एंगारजायै मुवानि गेजेराव औवानि बिहोमाया बयनिबो गोजौसिनाव। बेखायनो बुंनोबो हागौ बर'फोरनाव औवानि हारिमुवा एग्रे-बेग्रे। बाथौ थानसालि दुमनायनिफ्राय लानानै ओखि जानाय मेवाइ, न'बां लुनाय जेरावबो औवा नडाब्लानो राहा गैया, औवा गैयाब्लानो बर'नि राइजो जानांगौया आस'खान्दा।

ना सानो सेन, खखा, थर्खा, सेन्द्राय, जेखाइ, खबाइ, बोरसि दान्दा; मैहरुनि थाखाय जं-बौला, सिबनो-सालिनो थाखाय संग्राइ, सान्दांगा, सान्दि, लामनाय-बिरनाय-बान्नायनि थाखाय दाहा, हुखेन, बावखा, बाथि, हासिनि, संनाय-एरनाय खुरनायनि थाखाय बन, खादौ, सागं, दानाय-लुनायनि सोरखि, दाडनाथा, बौदांगि, गनसि, सेवारि, खादिनि, खुन्थिया, रासो, न'बां लुनायनि खुन्थिया, फेराइ, थेवयोल, खाथिमाल, रोजाबनाय मोसानायनि थाखाय हाखाउ, सिफुं, बिङ्गि जेरावबो जेरैबो औवानि गोनांथि दं बर'नि राइजो जानायाव। बेनि अनगायैबो नाफाम हासुं, नो हासुं, लावथि, दान्दा, थखन, लोरगि, जान्था, लावथाय, खादा, आबै दांगि, जेवरा, जांख्ला, मै-जुंगाल-दांगुर, बैसां जेरावबो औवानि गोनां जायो।

गथ' जोनोमनि उनाव उथुमाय हास'नाय खाथिनिफ्राय गोथे बानगारनाय समसिम औवा नडाब्लानो बर'नि हारिमुया आबुं महर नुजाया।

औवानि बेफोर गुन आरो गोनांथिखौं नाइनानै आथिकालाव औवानि आबाद खालामनो जोथोन लानांसिगौ। औवानि बेसेन बारायरलाबनो लानायाव बारिनि औवा सुबाखौं दानगलुंनानै लांदां खालामनो लानायाव जोनि ओन्सोलनि गामिफ्रा औवा बारिजौं ग्रोम ग्रोममोनब्लाबो आंखाल नुजाहाबाय। बेखायनो औवानि गोनांथिया बर' हारिमुयाव गोनांथार नोजेरै आरो फालांगियारि बिथिङ्गै औवानि आबाद खालामनाय आरो थाखानाय बारिखौं जोथोन लानांगौनि सम सौफेबाय। दासान्दि जौगा जोलैनि औवा जोलै लाबोनानै सरकार बिथिनिफ्राय औवा बागान खालामनायनि थुलुंगाबो होदौ औवानि गोनांथिखौं नायनानै।

बेराफासैं इयुन जोलैनो बर'नि औवा हारिमु आरो राइजो जानायनि आदोब आखुनि रेसखौं गालानो बर'साफोर बाहायग्रा औवानि आइजें-आइला हेबनाय-दान्नायनि ट्रेइनिं सेन्टार गायसन्नायनि गोनांथि दंसे।

दिनेनि फानजापुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेष: मानिबा जाहोनाव देहाखौं मैनाय मोनगोन। गोसोखौं सान्थि मोन्नाय नडा।

वृष: गोसो थोनयनि बान्दोआ गोरु जागोन। फोरफोरमथिबो मोजां।

मिथुन: बादायनायाव देहासार जानो हानायनि थाखाय मुं गोसार होनो हागोन। मोजां सान।

कर्कट: बादायनायाव देहासार जानो हानायनि थाखाय मुं गोसार होनो हागोन। मोजां सान।

सिंह: रांखावरिनि जारला जानो हागौ। सान्नायफ्रा जाफुनाय नडा। गोसोखौं हमाथानानै था।

कन्या: जेखि जाया गोसोखौं साहस खालामनानै जुजिनो नांगोन। सान्नाया जाफुनो हागौ।

तुला: खोथा-बाथ्रफोरखौं गुबुनि सिगाडव बुंथिनानै लानो हाथे जागोन। गोसोखौं लोरबां खालामनो नाड।

वृश्चिक: मोजां हाबा मावनायनि मानजौं लोगोसे बान्थाबो मोनो हागौ। गोजोन्नाय मोनगोन।

धनु: मानिबा थाखाय नख'राव दावराव-दावसि सोमजिनो हागौ। गोसो हमाथानानै थानांगोन।

मकर: नख'ग जौगानाय फैगोन। फारफोरमथिबो मोजां। गोजोन्नाय मोनगोन।

कुम्भ: जानला-मोनला बाथ्रा बुंलाबायनो नाड। जेनायाव गोम्लैनो हागौ। गोसोखौं हमाथा।

मीन: बायदिसिना होनानै बांसाव जानो हागौ। गोसोखौं लोरबां दाखालाम। धैय्य हमाया मोजां।

भारतआव आफगान थान्दै मावख'नि टुइटर एकाउन्टआ हेक जादौं



गोदान दिल्ली, 16 आगस्ट : भारतआव आफगान थान्दै मावख'नि टुइटर हेन्डेलखौं हेक खालामनाय जादौं। बे खौरंखौं थान्दै मावख'नि प्रेस सेक्रेटारि आबुल हक आजादआ होदौं। बिबो गाबनि टुइटर हेन्डेलआव मोनसे स्क्रीनशटखौं सेयार खालामदौं। प्रेस सेक्रेटारि फोरमायदौं, भारतआव आफगान थान्दै मावख'नि टुइटर हेन्डेलआव एक्सेस जायाखै। आं लग इन खालामदौनौं नाजादौं। नाथाय फेलें जादौं। भारतआव आफगान थान्दै मावख'नि

टुइटर एकाउन्टनिफ्राय अशरफ गनीनि सावगारिजौं लोगोसे पस्ट खालामनाय जादौं, जौं लाजिनायजौं खर गंगलायदौं। अशरफ गनीआ गावनि लोगोफेरजौं लोगोसे खारखोमा लादौं। बिबो गासिखौंबो सिर्लिंखर खालामबाय। जौं सासे खारखोमागिरिनि फासैं बावसोमनानै हाबाफारि मावनायनि थाखाय निमाहा बिबो। बिनि सरकारआ जौनि जारिमिननि सायाव मोनसे दागोबादि। बे टुइटरआव भारतनि गुबुन हादतनि मावख'खौंबो हेग

खालामनाय जादौं। मख'नो गोनांदि, आफगानिस्तानआव तालिबानआ फुययै गोहोआव फेबाय। बेवहायनि माखासे राजखान्थि दैदेनगिरिजौं लोगोसे हादतगिरि अशरफ गनीआ हादतखौं नागारदौं। तालिबान उतरखारिफोर आफगानिस्ताननि राजथावनि काबुलखौं सामलायनायखौं गावनि आखायआव लानानै रस्टपति भवनखौं दखल खालामदौं। बेनि उनाव हादतगिरि अशरफ गनीआ हादतखौं नागारनानै ताजिकिस्तानआव थांबाय।

आफगान उरां गाथोनआ बन्द जानायनि जाहोनाव पाइलटखौ अपारेट खालामनो हायाखै : एयार इन्डिया

गोदान दिल्ली, 16 आगस्ट : आफगानिस्तानआव जेना सोमजिनायनि गेजेराव काबुलआव थांग्रा इयार इन्डियानि उरां जाहाजनि समखौं सोलायनायनि उनाव खौरां मोन्नाय जादौंदि, आफगान उरां गाथोनआ बन्द जाबाय, जायनि जाहोनाव भारतनिफ्राय उरां जाहाजआ काबुलआव बिरलानाय नडा। सुलुनि बादिब्ला, आफगान उरां गाथोनआ बन्द जानायनि जाहोनाव फ्लाइटया अपारेट जानो हाया। बेनिफ्राय मोनथिनो मोन्नाय जादौंदि, भारतआव फैनो थाखाय आफगानिस्तानआव थाबथानाय थानाय सुबुंफोरनो सम नांबावनो हागौ। आफगान उरां गाथोनआ बन्द जानायनि जाहोनाव एयार इन्डियानि एआइ 126 शिकाग दिल्ली उरां जाहाजखौं लैथोमा सेरनि हादतफोरनि फासैं लाना थानाय जादौं। भारत सरकारनि गेजेरजौं



एयार इन्डियाखौं काबुलआव बिरलानो थाखाय गनै उरां जाहाजखौं सेन्डबायाव दोन्तो थाखाय बाथ्रा बुंदौं। सरकारआ थासारिखौं खाथिजौं नोजेर होदौं। हिंसायारि थासारि

सोमजिनायनि जाहोनाव काबुल उरां गाथोननि लामाखौं हरवनो बन्द खालामनाय जादौं। एयार लाइन मावसुमाफोरा उरां गोथोनसिम सौहैनो थाखाय जेना गोनां थासारिजौं मोगा

मोगि जानादौं। एयारलाइन मावसुमाफोरजौं लोगोसे टेलिकमआबो जेना गोनां जादौं, मानोनो सहरनि माखासे बाहागोआव मबाइल नेटवार्कआ सोलियाखै।

आगदा आथिं हान्थुनि थामथि सार्जारिनि उनाव रजार फेडेररनि टेनिस केरियारआ जोबहैनो हसिगौ

बासेल, 16 आगस्ट : सुइजरलैन्डनि स्टर टेनिस गेलेगिरि रजार फेडेररआ आगदा आथिनि हान्थुखौं थामथि खेब अपोरसन खालामनायनि जाहोनाव आमेरिकी अपेनखौं गेलेनाय नडा। फेडेररआ इस्टग्रामआव बिडिय मेसेजनि गेजेरजौं बे खौरंखौं होदौं। बिबो बुंदौं, हान्थुखौं माखासे डाक्टरफोरनो दिन्थिदौं आरो गसिबो रेखोमनि खौरंखौं लानाय जादौं। आंनि हान्थुआ ग्रासकर्ट सिजेन आरो उइम्बलडननि समाव जोखोम जासिन्दौं। डाक्टरफोरा आंखौं सार्जारि खालामनो बाथ्रा बुंदौं आरो बिबोरनि सुबुरुन होनायखौं आं लादौं। आ माखासे सपताहसिम



टेनिसनिफ्राय जानगार जागोन। 2020 खेबनि टेन्डस्लेम सेम्पियन फेडेररआ गावनि केरियारआ पुरा जाबाय होनानै हमादना लादौं। बिबो गहाम देहायै थानो गोसो जादौं आरो टुरआव फेफिननो गोसो जादौं। फेडेररआ 2020 अस्ट्रेलिया अपेननि उनाव 1 बोसोर हान्थु सानायनि जाहोनाव टेनिसनिफ्राय जानगार जादौं। बिबो मेआव फ्रेन्स अपेननि गेजेरजौं फेफिनदौं आरो खेबथाम देहानायनि उनाव मुंखौं बोखाना लाफिन्दौं। उइम्बलडनआवबिबो क्वार्टर फाइनालाव जेन्दौं आरो हान्थुआ जोखोम जानायनि जाहोनाव टकिय अलिम्पिकखौं गेलेनो हायाखै।

आफगानिस्ताननिफ्राय सा 129 सुबुंफोरखौ लाना उरां जाहाजआ दिल्लीआव सौफैयो

गोदान दिल्ली, 16 आगस्ट : आफगानिस्तानआव थासारिया गात्रिसिन जाबोनो हमायनि गेजेराव एयार इन्डियानि उरां जाहाज एआइ 244 आ काबुलनिफ्राय सा 129 दावबायारिफोरखौं लानानै दिल्लीआव सौफैयो। बिबोरनि गेजेराव राजथान्दै आरो बिबानगिरिफोरबो दंफायोमोन। मख'नो गोनांदि, आबहावायावानो से घन्टा उरायबाय थानायनि उनावसो भारतीय उरां जाहाजआ काबुलआव बासायनो गनायथि मोन्दौंमोन। पाइलटआ बे समाव उरां जाहाजनि रडारखौं बन्द खालामदौंमोन, जाहाथे आबहावाया उरां जाहाजखौं रावबो थांखिनो हाया। उरां जाहाजआ दिल्लीआव बासाय फेनायनि उनाव बेनि दावबायारिफोरा खौरंगिरिनि सौंथिनि फिन होयो। दावबायारिफोरनि गेजेराव सासे आइजोआ बुदौंदि, बिबो फोथायनो गोब्राब जादौंदि आफगानिस्तानजौं फुरा मुलुगआनो सोमोन्दौंखौं नागारदौं, गावसिनि



लोगोफोरखौं जिउ फोजोबसिगोन। बिबोरखौं तालिबाना बुथारगोन। आइजोफोर बेयाव जेबो मोन्थाय मोन्नाय नलिया। काबुलनिफ्राय दिल्लीआव सौफैनाय बै आइजोनि मोखांनि महरआव गिखांनाखौं रोखा नुनो मोन्दौंमोन। बे उरां जाहाजआव आफगानिस्ताननि बारग' हादतगिरि हामिद करजइनि जाति खुरमा आरो बारग' एमपि जमील करजाइओ फेदौंमोन। जमील करजइओ फोरमायदौंदि, जेब्ला गा सहरखौं नागारबोद बै समाव तालिबानआ सहरखौं दखल खालामबायमोन। काबुलआव गोदान सरकार जानो हासिगौ। जाय जाथायफोर जादौं बेनि दायनिगिरिया अशरफ गनीयायो। बिबो

आफगानिस्तानखौं थगायबाय। सुबुंफोरा बिखौं माब्लाबाबो निमाहा होनाय नडा। दिल्लीआव बेंगालुनि थागिबि आबुल्लाह मसुदियाबा सौफैदौं। बिबो आफगानिस्तानआव बिबिनि सोलौंथाय लागसिमोन। बिबो फोरमायदौं, बेयाव सुबुंफोरा बैकफोरनि फारसेखारलादौंमोन। गाव बेवहाय हिंसायारि जाथायखौं नुवाखै नाथाय बेयो नडादि, बेयाव हिंसाआरि जाथाय जायाखैमोन। बिबो फोरमायदौंदि, गाव गिनाने समाव तालिबानआ सहरखौं दखल खालामबायमोन। गावनि नख'रआ आफगानिस्तानावो दडा गोबां सुबुंफोर कबुलखौं नागारनानै गुबुन हादतआव थांबाय।

तामिलनाडु प्रिमियर लीग 2021 नि फाइनालआव चेन्नाइ सुपार किंगसआ देरहासारदौं

गोदान दिल्ली, 16 आगस्ट: तामिलनाडु प्रिमियर लीग 2021 नि फाइनाल मेचखौं चेन्नाइनि एमए चिदाम्बरम स्टेडियमआव रबिबार्खालि चैपक सुपार गिलिज आरो रबि त्रिचि वारियर्सनि गेजेराव गेलेनाय जायो। बिमुनि थाखाय बादायनाय मेचआव एमएस धनीनि केप्टेन बिबान सामलायनाय सुपार किंगसनि उडेकेटफिएर बेटि खालामग्रा एन जगदिशनआ मोजाइं गेलेनानै दिन्थिफुंनानै टीमखौं देरहासार खालामो। बिथानि गोब्रौडे दिन्थिफुंनयाव सुपार गिलिजआ बे खेबनि तामिलनाडु प्रिमियर लीग 2021 नि बिमुं देरहानायाव जाफुंसारनाय मोन्दौं। चैपकआ 8 राननि फारागथिआव रबि त्रिचिखौं फेजेनो हादौं। बिमुनि थाखाय बादायनाय फाइनाल



मेचआव रबि त्रिचि वारियर्सनि केप्टेन राहिल शाहआ टसआव देरहानानै बलिं खालामनो सायख'यो। चैपकनि हान्जाया गिबि बेटि खालामनो खारु मोन्नानै 20 अभाआव सा 6 उडेकेट खोमानानै 183 रान खालामनो हायो। हान्जानि गोब्रौडे उडेकेट फिएर बेटि खालामग्रा एन जगदिशनआ मोजाइं गेलेनानै दिन्थिफुंनो हादौं। चेन्नाइ सुपार किंगसनि जानानै दासिमआव खेब 5 मेच गेलेनाय बिथां जगदिशनआ टीएनपिएल 2021 नि फाइनालाव 58 बलाव खेबसि 4 रान आरो खेबनै 6 रान बुनानै 90 रान खालामनो हायो। बेराफासैं 184 राननि टागेट होसोनाय रबि त्रिचि वारियर्सआ 20 अभाआव 175 रानल' खालामनो हानानै 8 राननि फारागथियाव जेन्नायजौं मोगा-मोगि जानाखे। रबि त्रिचि टीमनि सरबन कुमारआ 25 बलाव 45 रान खालामनो हादौंब्लाबो जोबनाय अभाआव गिदिर रान लानायाव फेलें जायो।

मेघालयनि गिबि मन्थ्रिनि न'आव ग्रेनेडजों गाग्लोबदों, नख 'र मन्थ्रिया बिबान एंग्लायबाय

शिल, 16 आगस्ट : मेघालयनि गिबि मन्थ्रि कनराड के सामानि न'आव रबिबार मोनायाव सिनाय मोने दुथांफोरा पेट्रल बमा गारहरदों। पुलिसआ मिथिहोनाय बादिल्ला, रबिबारनि मोनायाव 10.15 रिंगाआव गारिजों फेनाय दुथांफोरा आपार सिल्लिनि थार्ड माइलआव थानाय गिबि मन्थ्रिनि न'नि लांगोनायाव पेट्रलजों आवुं गने बथलखौ खुबैहरदों। बे जाथायाव सासेब सुबुंआ जायखि जाया रोखेमनि ख'हा जायाखे होनानै जिल्लानि सासे गागि पुलिस बिबानगिरिया मिथिहोयो। बिबानगिरिया मिथिहोनाय बादिल्ला, गिबियै पेट्रलनि थावलखौ न' लांगोनाय सिगांथिं खुबैहरदों आरो



उनाव न'नि उनथिबो गंसे बथलखौ खुबैहरदों। बेखौ नुनानै सुकिदारआ बे अरखौ थाबैनो लुखोमोरो। मख 'जाथावदि उदांस्त्रि सानखालि राजथावनि आरो खाथि खालानि ओसोलफोरव बुफाय बुरि आरो अर सावनाय बायदि जाथायनि उनाव रइज्यो सरकार शिल'आव

काफिउ होदोंमोन आरो मोनब्रे जिल्लाफोरव मबाइल इन्टरनेट सिबिथायखौबो बन्द खालामदोंमोन। बेनि गेजेरावो शिल'आव सासे बारग' बिग्रायारिखौ पुलिसआ गुलि गावना जिउ फोजोबनाय केसआव हिंसायारि जाथाय जानायनि गेजेरावो मेघालयनि

भारतआव 24 घन्टानि समाव करनानि सांग्रांथि केसआ खम जादों



गोदान दिल्ली, 16 आगस्ट : मिरु सरकार देहा मावख'नि आ समबारनि फुंआव भारतआव करना इनफेक्सननि अन्जिमाफोरखौ फोसावदों। बेनि बायदिब्ला थानाय 24 घन्टयाव करना भाइरासनि गासै 37,932 गोदान के सखौ थिसन्दों आरो 417 इनफेक्सन जानाय बेरामिफोरा थैदों। फासैथिं बे करना भाइरासजों सा 35,909 सुबुंफोरा मोजां जादों। आथिखालाव हादतआव गासै 3,81,947 सांग्रांथि केस दड। भारतआव दासिमआव करना

भाइरासनि थाखाय गासै 49,48,05,652 सेम्पलखौ टेस्ट खालामनाय जाखांबाय जायनि गेजेराव गासै 11,81,212 सेम्पलनि टेस्टखौल' रबिबारआव खालामनाय जादों। बे खौरांखौ समबारआव आइसिपमआइआ होदों। जेराव करना भाइरासनिफ्राय रखाथि होनो थाखाय हादतआव सोलिनाय भेक्सिन थुनाय अभियानजों गासै 54,58,57,108 भेक्सिनखौ थुनाय जाखांबाय, जायनि गेजेराव थानाय 24 घन्टयाव

17,43,114 भेक्सिन थुनाय जादों। गाहाम देहा मावख'नि बायदिब्ला सरकारनि फारसे रइज्यो आरो मिरुजों खुंजानाय रइज्योफोरव भेक्सिननि गासै 56,81 कौटिनफ्राय बांसिन ड्रपखौ होनाय जादों। रइज्यो आरो मिरुजों खुंजानाय रइज्योफोरनयाव आथिखालाव भेक्सिननि गासै 2.89 कौटिनफ्राय बांसिन ड्रपखौ बाहायनो थाखाय दोन्नाय जादों। 2019 नि जोबथायाव चीननि बुहानआव करना भाइरासनि गिबि केसआ सोराडाव फेदोंमोन। जायनि उनाव बे बांनय भाइरासनि इनफेक्सनआ फुरा मुलुगखौ बेंखनथायाव लादों। मार्च 2020 आव डब्लिउएचअआ वेखौ इनफेक्सन होनानै फोसावदों। इनफेक्सन नि जागायजेन्नायनिफ्राय लानानै दासिमाव भारतआव गासै इनफेक्सननि अन्जिमाया 3,22,25,513 जाखांबाय आरो गासै 4,31,642 इनफेक्सन जानाय बेरामिफोरा थैखांबाय।

आसामनि अल इन्डिया आइजो कंग्रेसनि आफादगिरिआ बिबान एंग्लायबाय

गोदान दिल्ली, 16 आगस्ट : अल इन्डिया आइजो कंग्रेसनि आफादगिरि जाखानाय सुष्मिता देबआ कंग्रे सजों सोमोन्दोफोरखौ सिफायबाय। गिबिआव बियो पारटिनि आफादगिरि सनिया गान्धीनो गावनि बिबान एंग्लायनाय लाइजामखौ दैथाय हरबाय। आसाम बिधान सभा बिसायख 'थिनि समावबो बिनि रगा जौनायनि खौरांखौ मोनथिनो मोन्नाय जादोंमोन। मार्च दानआव आसाम रइज्यो कंग्रेस कमिटिआ सुष्मिता देबनि बिबान एंग्लायनायनि खौरांखौ बोखारना होनां दोंमोन। बियो मासि रान्नायखौ लानानै गावनि रगा जौनायखौ सनिया गान्धीनो लिरनाय लाइजामआव बारग' संसद सोद्रोमाआ बुंदोंदि, गाव पारटिन गिबि सोद्रोमा जानायनिफ्राय बिबानखौ एंग्लायबाय। नाथाय बियो



जख्खा जाहोनखौ फोरमायो। बियो बुंदों भारतीय माहारियाय

कंग्रेसजों लोगसे 30 बोसोर गोब्राब समसिम सोमोन्दो लानायखौ गोसोआव थाबाय थगोन। आंनो लामा दिन्थिनाय आरो खबु होनायनि थाखाय सुबुंथि महर नोंथांनो गाहाम हामलायथि बावहरो। 2014 आव गिबि खेब बियो शिलचरनि मासिनिफ्राय संसदआव सौहैदोंमोन।

आफगानिस्ताननि हादरगिरिनि बारग' गागि बोसोनगिरि रिजवानुल्लाह आहमेदजइआ बुंदोंदि, आफगानिस्ताननि बांसिनो बाहागोआववो थासारिआ सुरलायनाय फेबाय। पाकिस्तानखौ लानानै सोंथि सोंनायाव जजइआ बुडोदि, पाकिस्तानआ तालिबानजों खाथि सोमोन्दो दड। बेराफासै

सुप्रिम कर्टआ मिरुनि दलीलजों गोजोनाखै, 10 साननि सम होबावदों

गोदान दिल्ली, 16 आगस्ट : मिरु सरकार समबारखालि सुप्रिम कर्टनो फोरमायोदि, पेगासास संगालिनि दायनिगिरिफोरखौ लानानै उदाडे बिजिरनो दाबि दैखांनय आर'जलाइफोरा सानसि आरो हमदांन लानायजों लोगोसे मिडियाआव फेनाय जेना गोनं खौरांफोरनि सायाव बिथा खालामो। जर'खागिरिफोरनि मोनसे आफादा लानाय गासै आयदाफोरखौ नार्यबिजिरगोन। चीफ जास्टिस एनथि रमण, बिजिरगिरि सुर्यकान्त आरो बिजिरगिरि अनिरुद्ध बसनि पीठनि खाथियाव थिसन्नाय हलफनामाआव सरकार गावनि बिबुंथिखौ लाखियो। बेनि सोमोन्दै सरकार बुडे, मिरुआरि खौरां फोसावदि मन्थ्रि अश्विनी बेण्णबआ सिगाडवोनो गोब्राब पेगासास संगालि आयदानि



सायाव संसदआव रोखा खालामखांबाय। हलफनामायाव बुंनय बायदिब्ला माखासे गोरोन्थि सान्नाय हनायखौ जानगर खालामनो आरो लानाय आयदाफोरखौ नार्यबिजिरनायनि थांखिजों जर'खागिरिफोरनि मोनसे कमिति दानाय जागोन। आरैहाय मिरु सरकारनि बिबुंथि लाखिग्रा

एसजि तुषार मेहताखौ सिजेआइआ बुडे, बेयो मोनसे सिमा गोनं हलफनामा। मानोना पेगासासखौ बाहायदोंमोन ना बाहायाखे बेयो रोखा जायाखे। जेब्लासिम नोंथाड खौरां होया जों बेनि सोमोन्दै हियारि खालामनो हायो। जों नोथांमोनो गुवार हलफनामानि थाखाय समय होनो हायो आरो

कमितिखौबो थि खालाम। बेनि सोमोन्दै एनजि तुषार मेहताआ सुप्रिम कर्टनि सिगाडव बुंनयवयो, जों मोनसे जेना गोनं केसजों जुजिगासिनो दडनाथाय बेखौ जेबो गोनं के स बानायबावोनो नाजागसिनो दड। बेनि गेजेरजों सुप्रिम कर्टआ मिरु सरकारनो 10 साननि सम होयो।

आफगानिस्ताननि हादतगिरिया हादत नागारबाय, काबुल उरां जाहाज गाथोनाव सुबुंफोरनि होंगो-दोंगो

काबुल, 16 आगस्ट : आफगानिस्तानाव तालिबानआ फुरायै दखल खालामनायनि गेजेराव रोजा रोजा अन्जिमानि सुबुंफोर काबुल नागारनानै थांनो ऑंखारदों। सुतुनि बादिल्ला, काबुल उरां जाहाज गाथोनाव रोजा रोजा सुबुंफोरनि होंगो-दोंगोआव दावराव-दावसिबो जायो, जायनि उनाव थासारिखौ सरसन्नायाव लाबोनो थाखाय आमेरिकानि सान्थ्रिया आथिसमाव गुलि गाबलाआनो खौरांनि बादिल्ला काबुलनि हामिद कारजाइ हरिमायारि उरां जाहाज गाथोनाव गासैबो कमासियेल उरां जाहाजफोरखौ केन्सेल खालामनाय जादों आरो उरां जाहाज गाथोनाव सुबुंफोरखौ थुबुर जाना होंगो-दोंगो खालामनि थाखाय खावलायदों। बेनिफ्राय खालि सान्थ्रिनि उरां जाहाजफोरखौल' सोलिनो गनायथि होनाय जादों। आमेरिकानि गुबुन हादतयारि मावख'आ रोखा खालामदोंदि, काबुलआव थानाय आमेरिकानि



थान्दै मावख'नि गासैबो मावसुमाफोरखौ बेयावनिफ्राय रैखाथियै लाबोनानै हामिद करजइआ गाथोनाव लाबोनाय जादों। आफगानिस्ताना आथिखालाव फुरायैनो तालिबाननि सामलायनायाव थांबाय आरो हादतगिरि अशरफ गनीआबो हादतखौ नागारनानै थांबाय। बे समाववो

तालिबानआ फोसावदोंदि आफगानिस्तानाव दावहाया जोबबाय। तालिबानफोरा काबुलआव रास्ट्रपति भवनखौबो गावसिनि दखलाव लाबाय। बेनि गेजेराव आमेरिकानि सान्थ्रिफोरा बेनिफ्राय ऑंखारबोनो नाजागसिनो आरो सोनाबारि हादतफोरा गाव गावनि

नो गोरारिफोरखौ आफगानिस्ताननिफ्राय लांगसिनो। मख'जाथावदि, रबिबारआव हादतगिरि अशरफ गनीआ हादत नागारनानै थादोंमोन आरो रबिबारवोनो तालिबान उतखारिफोरा काबुलखौबो दखल खालामना लायो आरो रास्ट्रपति भवनखौबो दखल खालामदोंमोन।

तालिबाननि सासे बुंथिगिरि महम्मद नइमआ मोनसे इन्टारिभउआव बुडोदि, आफगानिस्तानआव दावहाया जोबबाय, गावसिनि फसंथानआ हारिमा फोलेरफोरजों गोजोने सोमोन्दो लाखिनो गोसो जायो आरो जायखि जाया आयदाफोरनि सायाव बिसोरजों सावरायनोबो थियायारि। आफगानिस्तानआव मा बादि खुंथायनि बेवस्था जागोन बेनि सोमोन्दै थाबैनो रोखा मिथिहोनाय जागोन। राजथावनि काबुलआव थान्दै मावख' एबा बबेबा मावख'खौ थांखिनाय जानाय नड। जायफोर थान्दै आरो सरासन्ना नोगोरारिफोरा बेनिफ्राय गुबुन हादतआव थांनो गोसो दडिल्ला, तालिबान बिसोरखौ रैखाथियै थांनो होगोन।

दिल्लीनि सरकारि भेक्सिन थुग्रा मिरुआव 70 जौखोन्दो भेक्सिनखौ गिबि ड्रपनि थाखाय सैरखाथियै दोन्नो बिथोन होदों

गोदान दिल्ली, 16 आगस्ट : दिल्ली सरकारआ कभिड-19 भेक्सिन थुनाय अभियानआव बांसिननिफ्राय बांसिन सुबुंफोरनो भेक्सिन थुनो थाखाय सरकारनि गेजेरजों सामलाय जानाय मिरुआव कभिशीलड आरो कभेक्सिन भेक्सिननि 70 जौखोन्दो ड्रपखौ बै सुबुंफोरनि थाखाय सैरखाथियै लाखिनो बिथोन होदों, जायनो गिबि ड्रपखौ होनांगा राजथावनि दिल्लीआव 1.15 कौटि ड्रपखौ होनाय जाखांबाय। बिसोरनि गेजेराव



32,66,927 सुबुंफोरनो मोन्नेबो ड्रपखौ होनाय जाखांबाय। बिथोन होनायआव बुंदोंदि, कभिशीलड भेक्सिनखौ गिबि ड्रपनि

महराव होनाय रुजुखाखौ 50 जौखोन्दोनिफ्राय बांहोनानै 70 जौखोन्दो खालामनो होगोन। दिल्ली सरकारआ 22 जुलाइआव बिथोन होदोंमोन सिमा गोनं साप्लाइनि जाहोनाव 31 जुलाइसिम सरकारि भेक्सिन थुनाय मिरुआव कभिशीलड भेक्सिननि नैथि ड्रपखौ थुनाय जागोन। नाथाय बे दाननि जागायजेन्नायआव सरकारआ बे सर्थखौ बोखारना होनानै कभिशीलड भेक्सिनखौ गिबि ड्रप महरै नुनो गनयथि होदोंमोन।

महराव होनाय रुजुखाखौ 40 जौखोन्दोनि रुजुखाखौ बांहोनानै 70 जौखोन्दो खालामनो होगोन। बे रोखोमै कभेक्सिन भेक्सिनखौ गिबि ड्रपनि

काबुलआव थासारिआ सुग्लायबाय: एमपि कादिर जजर्ड

गोदान दिल्ली, 16 आगस्ट: आफगानिस्ताननि हादरगिरिनि बारग' गागि बोसोनगिरि रिजवानुल्लाह आहमेदजइआ बुंदोंदि, आफगानिस्ताननि बांसिनो बाहागोआववो थासारिआ सुरलायनाय फेबाय। पाकिस्तानखौ लानानै सोंथि सोंनायाव जजइआ बुडोदि, पाकिस्तानआ तालिबानजों खाथि सोमोन्दो दड। बेराफासै

आरो तालिबाननि गेजेराव गोजोन गोरोबथा जादोंमोन। आथिखालाव खुंथाय सोलायनायनि हाबाफारिआ सोलिगासिनो। काबुलआव थासारिआ सुरलायनाय फेबाय। पाकिस्तानखौ लानानै सोंथि सोंनायाव जजइआ बुडोदि, पाकिस्तानआ तालिबानजों खाथि सोमोन्दो दड। बेराफासै

फेबाय। आहमेदआ बुंनवोदि, बियो आबुडे मिजिथियोदि, बेयो गोदान तालिबान आरो बिसोरो आइजोफोरखौ खामानि माववो गनायखि होगोन। बेराफासै आफगानिस्ताननि पक्तिाय रइज्योनि एमपि शैयद पकिस्तान आओ आफगानिस्ताननि थासारिनि सायाव जिगासिनाय

फोरमायदों। बियो बुंदों, हादरनि थासारिआ गोबां गाजि, जर'खाथियै बियो भारतआव फेनायनि सिगांनि हरआ बयनिखुइबो गिखं थावसिनमोन। बियो बुंनवोदि, गाव हादरखौ नागारबोनो हास्थया। बियो खालि मोनसे जथुम्यायवल' बाहागो लानो फेदों आरो बियो आफगानिस्तान आव

गिदि'ल'फि नगोन। मख'जाथावदि, गुबुन गुबुन हादरफोरा आफगानिस्तानखौ लानानै सांग्रांथि होदों। ब्रिटिस एयारबेजआ रावनि पायलटफोरखौ बिथोन होदोंदि, बिसोरो आफगानि अखंमा लामाजों दावबायो। आफगानि रैखाथि थासारिखौ नोजोर होनां बे बिथोनखौ होनाय जादों।

बेराफासै काबुलआव आमेरिकानि एम्बासिआबो सिक्किउरिंटि एलार्ट फोसावदों। बेयाव बुंनय जादोंदि, काबुलआव रेखाथिनि थासारिआ लांथ्रियैनो सोलायबोगासिनो। उरां गाथोनफोरवबो थासारिआ सरासन्ना नड। बेयाव अर खामनायनिबो खौरां मोनाय जादों।

बेराफासै काबुलआव आमेरिकानि एम्बासिआबो सिक्किउरिंटि एलार्ट फोसावदों। बेयाव बुंनय जादोंदि, काबुलआव रेखाथिनि थासारिआ लांथ्रियैनो सोलायबोगासिनो। उरां गाथोनफोरवबो थासारिआ सरासन्ना नड। बेयाव अर खामनायनिबो खौरां मोनाय जादों।

अनजालि

नोंखौ नैनानै मँग्लबाय आनि जीउमाया, जेव्हा फोथार- बारिआव बेरायनो थाडे, अब्ला साया- माया सिखिरि सिखला जानानै मोसाफेनाय बायदि नुयो । दागुगालां नों रजे आनि बिखानि मैला जानानै । आरोबाव हालिया आं सहायनो, आनि गोर्बो इसिनि दानानै दोनखानाय सनानि फनजारिआव हाबफेदो । नुदों आं सिमां नोंखौ लानानै- नोंखौ लानानै, सनानि देरा लुनो नाजदों आं सिमांखौ मोकथां खालामनो । दड हनै जिउनि लामायाव गसंथेनानै सुथुरफोरा हानजानि- हानजा मोजां मोनलायनायनि बेरेखा उदखारिफ्रा । थस' एउसंनानय बायदि एउसंगोन आं नोंनि थाखाय । बोहेहोगोन उदखारिफोरनि थैनि बाना, दुगैगोन आं बिसोरनि थैजों बोहेहोगोन उदखारिफोरनि मेगननिफ्राय मोदैनि बाना नोंनि थाखाय । सौसि- सौसि थंगोन आं हाग्रा- बंग्रा दैमा- दैसा, हाजो- हाला, बिलो- फुखानि गेजेरजों । दैमाखौ बारनो हायाब्ला, सनानि बान्दो खोनानै होसोलांगोन आं नोंनि रेखानि थाखाय, अनजालि ।

श्री गेरमसा बरगयारी
मैदेरखर'

जिल्ला: कक्राझार (बि.टि.सि.) ।

सोर नों ?

सोर नों हायनारि बिखाया बेसेबा फिसा गोबानो सानो संसाराखौ; जिउआ आनि उन्दै बिलिरनो सानो मुलुगखौ । गोसोआ आनि, आनदायबाय आं बे संसाराव; आंहा गोसोआव बबेनिबा रादाब फेदों रंगिना गाबजों बाज्त्' बायदों फिथिखा लुफानाय सेंग्रा समाव । जोबनो गैये गोसोनि हास्थाइनाय जिउनि आंग्रिनायाव, जोबनो रोडे गाबजों मा मैया दिन्थियो नों ? अननाय गिरि । बेनो आनि गोसो ।

मुश्री समबारु दैमारी

नोजोरनि हांमा

सिमा गैये थायने मेगननि गोफात नोजोराव, आनथोर जयै गोर्बोनिफ्राय बोहेग्लायनाय निजोरानि गुथालाव बुसोमजाबाय दिनै आं मिथिंगानि बान गैये जाल्लायवाव । सुथुर दैथुननि केलेंकारि नारसोमनायाव, हायना मिथिंगा, बिदिन्थानि थिन्नायाव जिउआव दावदाबसे मिजिं थिबाय नोंखौनो मिथिंगानि आरुथुथायजों गोरबलांना रिउ-रिउ सनानि दिडा जावलांनो जोनोमनि उनथार बै सोनाब फेसालिसिम । नाथाय.....बैसाग मासनि दै जावरिनायजों बुथार जालांबाय नों, जाय मिजिक आनि बायग्रेब लांबाय जिउआसो आनि नोजोरनि हांमा जालांबाय ।

श्री आसिनाथ बसुमतारी

जखायसे लिमारिक

(से)
लौदों आरो लौदों गिसि- गोरान दाखालिबो, मैयाबो, दिनैबो लौदों आरो गाबोन..... ? गोबां तेनसन दंनो जौना आदाया बेनो बिनि जौ लौनायनि थांखिया, जौ लौब्लानो तेनस'ना जोबना फेगोन ने ? (ने)
नैवे गोदान मुगानि सेंग्रा माखाफोर गोसो थोयो बिसोर खालि गुफुर- गुफुर सिखलाफोर, बेनिखायनो देलायो जों गुफुर जागौबा मोजां- मोजां सेंग्राफोरजों गोसो थोजागौबा, गुफुरखौल' मानो मोजां मोनो बिसोर..... ? (थाम)
बे कलेजनि आं मिस बिउति सेंग्राफ्रा आंजों मानो थाबायो खाथि-खाथि ? धोन दौलतजों बुंफबनाय नखर नडब्ला अजय, आमिर खान मोनबायदि महरगोसा सेंग्रा नडब्ला, हाबाखौनो लाश्रा आं सयथि..... ।

मुश्री पवित्र मोसाहारी
गामि: पद्म'बिल
ला:सो: आल्फागाव
जिल्ला: कक्राझार (बि.टि.सि.) ।

जिउनि बुब्लियाव

बे जिउ दानो दं दानो गैया अराय सहाय नांबाय, गोसोम-गुफुर गाबनि साया थाबाय बियो दिनै माबोला रंगिना-संगिना सिमां मुलुगनि आन्दोआव माबोला गिथाव बारहुंखा । जिउनि बे बुब्लियाव । मिथिस' हाया हमदां मोना आय ! जाय जारिमिन आनि बेनो नामा सोरजनि फाव अराय थांना थानायनि हनथानि बारहुंखाया इयुन जिउनि थांखि । बिरबायनानै आं सानसे गोरोन्यिआ सोरनि अनायनि लामाखौबो मिथि मोना रावबो फोरमाय नांबाय बुजि मोनै खैफोतआ मानि ? जाहोनाव जायखो गोसो खाडे जेबोला बेसेबा गुवार लैथोआव सावन-भाद्रनि दुंनय थिं-थिं बुसोम जानांबाय दैनि दाहराव । सानदुं आवबो गोजांफ्रिउ मोनो सोरनि अनायजों रंजानो अब्लानो आं सुग्लायो । सोरनि दुखुजों गाबफानो गोसो आनि जेब्लायबो मिथि मोना बे मुलुगाव हास्थायो । संसारनि माया गेलेनायाव खैफोतआ मानि ? जाहोनाव जायखो गोसो खाडे जेबोला बेसेबा गुवार लैथोआव सावन-भाद्रनि दुंनय थिं-थिं बुसोम जानांबाय दैनि दाहराव । सानदुं आवबो गोजांफ्रिउ मोनो सोरनि अनायजों रंजानो अब्लानो आं सुग्लायो । सोरनि दुखुजों गाबफानो गोसो आनि जेब्लायबो मिथि मोना बे मुलुगाव हास्थायो ।

थरायना जयमा राणी ब्रह्म ।
जिल्ला: कक्राझार ।

दासान नों आंखौ गाजि

कक्राझार नाराबारि गामिनि दैसा सेराव नआ बनि, थायो आंबो बनि ननि हरेजाय । सानोमोन आं बेजों फसे गोदे राव रायज्जायना लानो । नुवा नुदोंमोन आं, नायआ नायदोंमोन बेखौनो आनि सान्ना । नाथाय बहा नुबावनो बहा नायनो हाबावनो । खालाम फलांबाय आं बनि गोसोखौ दुखुनि लैथोआव गब' होना दोनफलांबाय आं । सानाखैमोन आं एसे अखा निहोर बायदि थायफ्रिनायादि बाना जागोन । बानाखौ नुना सानबाय आं नाव बानायाहं साथा लाहां जाबाय गोसोआ आनि । बाना जाखाबाय जावलांनो मालाय नावखौ बहा । साथाखौ हमबालाय मा जानो ? जाबाय जाबाय गोसोआ आनि बनि दुखुआवनो उसाव बादाव । लुना होंदोंमोन आं मालायनि समायना बिफांआव दैखौ । सानाखैमोन आं बेलासि समाव दै लुना होबादि रोदायाव नांन राहैगोन । मालायनि हासार गोनां हायाव रज'नाय समायना बिफानि बिबारखौ आं बोरें मोन्नो ? दुखुआव दोनफलांबाय आं बेखौ निमाहा होगोनदा बेयो आंखौ ? सानगोनदा बियो आंखौ निमाहानि जगय' ? हिन्दि रावआव होन्दों, मैने किसिका दिल दुखाया है, मुझे माफ करो, आनजानेमे गलती हैगैया ।

आनसाइ गयारी
जिल्ला: कक्राझार ।

रंजालि गथ' फोरनि सौरा

आंनि मेगननि फेसालिआव नों

मेगननि फेसालिआव हाबना थाबाय नों ! आंनि गोर्बो बिखायाव अरायनि थाखाय जायगा लादोंमोन रजे.....नों....., माबोरें बावनो हाबावनो आं नोंखौ सना ॥ बावनो नाजाबानो दाहानि निजोरयासो..... बोहैग्लायो जेब्लाबो जिउआव..... ॥ गोर्बो बिखा सिंखाव-सिंखाव बोहैदोंमोन, नोंनि अननाया आनि लायमोन सोलेराव..... नोंनोथ' जासि हरप्रोदोंमोन मोजां मोन्नायनि इसाराखौ आंनो मुलुग संसाराव दिनै..... नाथाय, दिनै मा सानखो नों आंनि अननाय आरो मोजां मोन्नाय नों अनसुला सनाआ..... ॥ थार मोजां मोन्नायखौ नंखाय खालामना... गोथार अननायखौ नेवसि गारना खालाम लानोसै नामा नों आंखौ लामानि सासे अननायनि बिबायारि महराव... नों जुदि आंनि गोर्बो बिखायाव हांमा होलांबा जानानै थागोन आं..... नोंजोंनो नेवसि गारजानाय गोथै सल्लिनि सासे भुत जानानै थागोन आं जोनोमाव । बावनो सानबाय नामा नों आंखौ स.....ना ॥ दं खालि आंनि गोर्बो बिखायाव नोंनि ल' अननाय दिनै...आरो थागोन अरायबो... ॥ ॥

थरायना राणी ब्रह्म
ला:सो: दतमा ।
जिल्ला: कक्राझार ।

खारौ खान्दाय बिबार

आं हर गेजेरनि बारसे समायना बिबार मुंखौ बुडे बयबो आंखौ खारौ खान्दाय हरावनो थुफियो, हरावनो बारो आरो हरावनो सिरिफिनो । अनसाया आरो लुबैया रावबो आंखौ खोनासडे आंनि जिउनि जारिमिन, सान अख्रानि सान राजाजों नेवसि जानाय आंदि बारसे समायना बिबार । नाथाय मिथिगौ दानखोमसि हरनि फुर्णिमा अखाफोर गावदांआ आंनि हारिसेंडे गावनाय आरो मिन फिन्नायखौ हांमानि खन्थाय लिरनाय, दाहानि सल' लिरनायखौ बियो बुरखायो अनसायनायजों आंखौ फुंबिलि जारां सानजों रंजानो फागुन दाननि सुदेम बारजों मोसाग्लानो नाथाय हायाखिसै आं निन्दा आरो मुं सुनायनि बे सोमखे मोखांखौ लानानै गावदां अखाफोरनि बोसोनखौ लाखिनो ।

मिस बनमि नाजारी

सैया-सैया खालामो अनजालुआ आंखौ

नै अनजालु नों आंखौ गोजाननिफ्राय नुब्लानो, मानो एरा-एरा खालाम लाडे ? मानिबा गोरोन्यि बुंफलांदों नामा आंलाय ? ना माबाफोर दाय मावफलांदों नामा ? दिनै नों आंखौ गारनानै, गुबुनखौ लानो सान्दों नामा ? बिदिब्ला नों मानो आगोलाव आंखौ मोजां मोनामोन ? दाना मानो सैया-सैया खालामखो ? सानदोंमोन नामा नों आंखौ सान्नेसोनि, थाखायल' मोजां मोनफलानो, आंखौ फागिलसो खालामनो सान्दोंमोन नामा नोंलाय अनजालु ? आं नोंखौ थैनानै थांब्लाबो नोंनि, महरखौ बावनो हानाय नड । आंनि थायने मेगनाव नोंनि, महरा जेब्लाबो साया-माया गेले फेबाय थागोन अनजालु । दाखालामसै नों आंखौ सैया-सैया ।

मुश्रीमा सबानि नाजारी
भिलेज- नर्थ कचुगाँव
दिस्त- कक्राझार ।

मानसि

“लाय होयोब्ला फाफ्लियाव बारखोयो आदर खालामब्ला बुरखायदों सानो गाहाम बोसोन होयोब्ला उल्ला मोखां जायो गाहाम मावना होयोब्ला सिमान लाया फोथायोब्ला खहा खालामो सुखुनि बाश्रायाव मेगन सायो दुखुनि बाश्रायाव खाबु नाइगिरो मोजां मोनोब्ला दावदाव दोनो गावनि जाफुसारबोला जानगार लाडे मानसिनि जेसेबां मोनो एसेबां नांगौ दोहोन दौलतनि खांखुवा जाबाय गिदिरा उन्देखौ गादबना जायो बोलोगोराआ बोलोगैयैखौ सेरथेयो”
बे बादि आरुथुथायनि जानाया गाहाम ने ?

मंकर लाल बर'
तितगुरी

रुमिखौ हास्थायो आं

सोर नुदों सोर खोनादों आंनि दुखु दाहाखौ, दावसि दावसायासो साखि दं, नोंखौ सानानै हारिसें हाला बिबार बारि-बारि बेरायला बायनायखौ नुनानै जरा- जरा बिदे सोबनो फेनाय सिखिरि सुबुफोरा आंखौ मिनिलांबाय । नोंखौ आं गोसो गोथारजों मोजां मोनो नाथाय नोंनिफ्राय अननाय मोन्नो लुबैयो आं, मानोनों गोसो हगार सारना होआ नों, नोंनि बेबायदि गोदे रावजों रायज्जायनाय फोरखौ लानानै जायो आं उसाव- बादाव, सोर्गोनि अलंबार बायदि बेफोरखौ बावगार लांनंगौबा, आंनि गोसोआ हिमालय हाजो बायनाय बायदि बायनानै खाम्फा लुहैनो हायेबायदि आंनि मेगननिफ्राय निजोरा बोहैगोन अनजालि । रुमिनों गुबुननि थाखाय हांगार फिथर ब्लाबो आंनि थाखाय स'ना फिथर । गावखौ बिबार बारि-बारि बेरायनायखौ नुनाययबाय, आंनि गोसोआ गनायगोन सान्ना आंबो बिबार बारियाव बेरायगलां बायो, नाथाय गावखौ नुवाबा गोसोआ गनाया, मोना बिलि समाव थाडे आं नोंनि लांगोनायाव आंखौ नेना थागोन सान्ना । नोंनि मिनिनायखौ नुयोबोला गोसोआ आंनि अखा मोप्लामनाय बायदि मोनो । रुमिखौ हास्थायो आं अरायबो, लायजाम हरदोंमोन आं फिन्नाय मोनफिनासै, नाथाय.....बिबा सोरखौ हास्थायदों ?

गपाल रामचियारी
जिल्ला: बाकसा (बि.टि.सि.)

नौ रजेखौ

गोमोथाव नोंनि महरा रजे-- जेबोला नोंखौ नुयो जेराव-मेराव जेबोला नों थाबाय लाडे दाव दिखुर बायदि जेबोला नोंनि राव खोनायो दाव मैनानि गारां अबोला आंखौनो आं बावगोमा फलाडे । आंखौनो आं बावगोमा फलाडे ! मोन्नाय मोनब्ला नोंनि अननाय, आजावनाय मोनब्ला आंनि अननाय । हाबाब मादि माया गोनां नोंनि महरा ? बे नोंनि समायना सोलेर महरानो आंनि बोदोर गोसो सोलेराव सिखिरि जानानै बिरफाबाय थायोनों रजे-- आंनि जिउ सोलेरनि सेर-सेर । आंनि बोदोर जावलिया गोसोआ नोंखौल' मोन्नो हास्थायसै रजे मा राहाजों मोनगोन इसिबां गोमोथाव महर गोनां नों रजेखौ ॥

मुश्री सोर खुंगुर बर'
ला:सो: चन्द्रपारा, कक्राझार ।

गसाइगावआवबो गा 75 थि उदांसि सानखौ गाजा-गोमजायै फालिदों

गसाइगाव, 15 आगस्ट: गसाइगाव महकुमानि सिंघाय थानाय गसाइगाव गोऊँ फरायसालिनि गोवलां गेलेग्रा फोथाराव दिनें फुंभिलिनिसानखौ भारत उदांसि सानखौ गसाइगाव महकुमा बिफाननि बानजायनायाव गाजा गोमजायै फालिनायखौ नुनो मोनदों। मख 'नो गोनादि, बे फालिथायाव गसाइगाव महकुमानि गुबुन गुबुन फरायसालि, गोऊँ फरायसालि, फरायसालिमानि फोरिंगि फरायसाफोरजों लोगोसे गसाइगाव महकुमानि खुंगिरी मावथिफोरजों लोगोसे गसाइगाव पुलिस बिफाननि मावथिफोर आरो महकुमा मावख 'नि खुंगिरी रहल कुमार गुला (आइ ए एस) बिथारों लोगोसे गसाइगाव महकुमानि सुबुं फोनांजाब मावथिफोर आरो गसाइगाव महकुमानि राइजो-राजाफोर लैहोर-लैहोर फैनानै फालियो आरो गसाइगाव महकुमानि खुंगिरी बिथां रहल कुमार गुला गुलाआ हादोरनि फिफलिताखौ बिरहोनायजों हाबाफारिआ जागयो। 1947 ई मायथयनि 15 आगस्टआव गुफुरसाफोरनि आखायनिफ्राय उदांसि मोनानै दिनें भारत हादतआ 75 बोसोराव आगन होबाय आरो दिनेंनै बे हाबाफारियाव गसाइगाव महकुमानिनो साबसिन हामसिन फरायसाफोर, फोरिंगिरीफोर, आबादारि, खौरिंगिरी सरकारी मावख 'नि मावग्रफोर, फुलिस बिफान, सरकारी नडे-मावग्रफोर, बायदि बायदिनि साबसिन हामसिन सायख 'जानाय सोद्रोमाफोरनो आरनाइ गानहोनायजों लोगोसे मान बावदां आरो मान बिलाय होनाय होदों। बेबायदिनो हाबाफारिआ गाजा गोमजायै खुंफुंजायो आरो मोनाबिलिनि समावबो गासै सरखारि मावख 'आव आलारि बाथि सावनाय जायो।

बाक्सायाव 75 थि उदांसि सानखौ फालिदों

बाक्सा, 16 आगस्ट: बाक्सा जिल्लानि सदर मुसलपुरनि बाथोफुरियाव थानाय जिल्ला स्पोर्ट्स कमप्लेक्सआव कभिडनि प्रत'कलखौ मानिनानै जिल्ला खुंथयनि बानजायनायाव हादोरनि खुंगा 75 थि उदांसि सानखौ फालिलाडे। उदांसि साननि हाबाफारि बादिदै फुनि समाव हादोरनि बिफा महात्मा गान्धीनि सावगारियाव आलारि बाथि फोजोडे आरो बिबार बावजेनानै मान होनायनि उनाव महारियारि फिफलिताखौ बिरहोयो जिल्ला बेंगिरि आयुस गार्गआ। उनाव जिल्ला बेंगिरिआ बाक्सा पुलिस, 28 नं आइ आर बेटेलियननि मान बाउनायखौ नाजावो। महारियारि फिफलिता बिरहोनायै जिल्ला बेंगिरि आयुस गार्गआ गावनि बिबुंधियाव जिल्लायाव मावफुंजानाय गुबुन गुबुन सरकारी बिथांखिफोरनि सायाव फोरमायथिनायै होयो। बे हाबाफारियाव बरसा बियाबनि एम एल ए भुपेन बर', बि टि सिनि मावफुं सोद्रोमा राकेश ब्रह्म, घनस्याम



दास, जिल्ला पुलिस बिबानगिरि रजेंन सिंहखौ लाफानानै माखसे गागि सुबुंफोखो बाहाग लादोंमोन। लोगोसे रज्योनि गुबुन गुबुन

बानजायनायाव बे सानखौ फालिनाय जाो। महारियारि फिफलिताखौ बिरहोयो सालबारि महकुमानि महकुमा बेंगिरि लक्षयज्यति दासआ। लोगोसे बिथांखो हेफाजाब होयो सालबारि महकुमा पुलिस बिबानगिरि समिरन बैस्यआ। फुनिफ्रायनो नागारो रोडे बायदि अखा हनायखौ नेवसिगरानानै सालबारि फरायसालिमानि गेलेग्रा पोथाराव उदांसि सानखौ फालिनाय जायो। बेनि अनगायैबो तामुलपुर महकुमा खुंथयनि बानजायनायाव तामुलपुरआवो गा 75 थि उदांसि सानखौ फालिनाय जायो। महारियारि फिफलिताखौ बिरहोयो तामुलपुर महकुमानि महकुमा बेंगिरि बेदंग तालुकदारआ। हाबाफारियाव आबाद हाथाय, जुनाद बिफाननि हाथाय, हा सरैखाथि, हेन्दलुम आरो टेक्सटइलनि हाथायनि बागै दिन्थिफुंजाय जायो। तामुलपुर पुलिस बिफाना मार्चपास्ट खालामनायजों लोगोसे हाबाफारिया बाहागो लानाय गासैबो सुबुंफोरनो बिफां फुलिस रानानै होनाय जायो।

(□ 1 बिलाइनिफ्राय)

मुसलपुराव ड० रबि बर' देहा फाहामसालियाव गं 17 बिसिना गोनां आइ सि इउ इउनित

हाबाफारियाव बाहागो लानानै बि टि सिनि हागाय प्रमद बर'आ बुडेदि, थारेंनो बे आइ सि इउ इउनितखौ कभिड बेरामाव गोगलैनाय सुबुंफोरनि जुनै बानायनाय जादोंब्लाबो करना बेरामा जोबनायनि उनावनो बे आइ सि इउ इउनितआ सरासनखा राइजोफोरनि जुनै बाहायजागोन। बेचों लोगोसेनो सावसि खोन्देआव नुजाथिनाय बायदि जेनाफोरखौ बोखानो जुनै नाजानायजों लोगोसे बैसोगोरा सुबुंफोरनो बेसेन नाड जासेनो दानफायाव खेबसे सावसि आनजाद नायनायनि राहा लानाय जादों। बबेखानि रायजोफोरनि बायदि जेनाखौ नायबिजिनो जुने फैगो 20 आगस्टनिफ्राय 2 अक्टबरसिम बि टि सिनि साफ्रोम इ एम, एम सि एल एफोरा बायदि बिफाननि बिफानारिफोरखौ लानानै गामि गामि हाबहैनानै जेनाखौ बोरै सुखानो हायो बेनि राहा लानाय जादों। मिर्जि थिनाय जायोदों फैगो से बोसोरनि गेजेराव रायजोनि बायदि जेनाखौ सुखानो हानाय जागोन। मख 'थावनादि गासै 13.16 कौटि रंजों लुफुंजानाय बे आइ सि इउ इउनित बेखेवनाय हाबाफारियाव फारियै नुजाथिदोंमोन बाक्सा जिल्लानि जिल्ला बेंगिरि आयुस गार्ग, बिटिसिनि बुंथिगिरि कातिराम बर', मावफुं सोद्रोमा राकेश ब्रह्म आरो देहा बिफाननि गोबां बिफानारिफोरबो बाहागो लादों।

मिरु आयुस मन्थिआ गोदान दिल्लीनि मररजि देसाइ महारियारि यग फसंथानाव नायगिदिहेंदों

इस्वर भि बासाबारडु बासावाबडिआ मिरु केबिनेट मन्थिखौ गोसो गुडुडै बरयो। फसंथाननि गुबुन गुबुन खामानि आरो राहाफारिफोरनि सायाव सावरायनायनानै सामब्लायागिरिआ मिरु केबिनेट मन्थि सर्बानन्द सन 'वालनि सिगाडव मोनसे प्रेजेन्टेशन दिन्थियो। आयुस बिभाननि जरखा सेक्रेटारि प्रमद कुमार पाथक, आयुस सामब्लायागिरि बिक्रम सिं, डिपास, एडमस आरो पिआइबि-र नि गोऊँ थारोनि बिबानगिरिफोर बाहागो लादोंमोन।

एबसुआ सुबुं लांखारनाय आरो ड्रगसन सिआव सांग्रंथियारि हाबाफारि लादों

लाखिनानै बड'फा सास्टेनेबल मिसन अफ ससियेल चेन्जनि सिडाव एबसुनि बुंथिगिरि जनक उजरनि मासि सामब्लायायनायाव बे सांग्रंथियारि हाबाफारिखौ खुंफुंजाय जायो। एबसुनि आफादगिरि दिपेन बर' आरो गाहाय नेहाथारि खनिन्द्र बसुमतारी मोनहा गाहाय आलासि महरै बाहागो लानानै ड्रगस आरो सुबुं लांखारनायनि सायाव समाजाव सांग्रंथिनि गोनांथिनि सोमोन्दै गुवारै फोरमायथिनायै होयो। बे सांग्रंथियारि हाबाफारियाव समाज-रांखाथियारि आरो समजारि खौसेथि दानायनि सोमोन्दै सावरयलायो। एबसुनि आफादगिरि दिपेन बर'आ ड्रगस बाहायनाय आरो सुबुं लांखारनायनि जाथायफोरा हालामाव बांबोनो हमनायखौ फोदमायथियो। फरायसा आफादा ड्रगस बाहायनाय आरो सुबुं लांखारनायनि हेंथायै सांग्रंथि होनायनि हाबाफारिखौ लाबोबाय थारोदों होनानै बिथाड बुडे। बिथाड गासैबो सुबुंफोरनिमिस ड्रगस आरो सुबुं लांखारनायनि हेंथायै खौसेथै गसंथानो खालायहरो।

राइज्योनि राजालामाफोराव मथर-गारिनि गोखौथिखौ दबथायनानि सोमोन्दै गिबि मन्थिनि गोनांथार जथुम

जरिमाना लानायखौ साननैसोनि थाखाय दोनथ 'नो हान्यामेला बिफानखौ बिथोन होयो। राइज्योनि महारियारि राजालामाफोरखौ हफफानानै गाहाइ लामाफोरव थानाय जात्रथाय जानाय थावनिफोरखौ सिनायथिनायै बेफोर जायगायाव गोनांथि जानाय बिबांनि लामानि सांग्रंथियारि हर्दिं फसंनो गिबि मन्थिआ नेसलेल हाइवे अथ 'रिटि अफ इन्डिया, एन एडस आइ डि चि एल, पि डब्लिड डि (न' आरो राजा लामा) बिफानखौ बिथोन होयो। गिबि मन्थिआ लोगोसे राजा लामाफोरनि साखाथियाव थानाय फरायसलि फसंथान, देहा फाहामसालि बादिनि जात्रथाय जाथाव ओनसोलफोरखौ सिनायनानै बै थावनिफोरवबो गोनांथि जानाय आरो नोजोरव गोलेनानायबादि लामानि फोसावाय हर्दिं फसंनानयनि राहा लानो सोमोन्दो गोनां बिफानखौ बिथोन होयो। जायगानि बिफानगिरिफोरजों सावरयलायनानै बेफोरबादि जात्रथाय जानाय थावनिफोरखौ सिनायथिनायनि बिथिडवबो गिबि मन्थिआ गोनांथि होयो। राजा लामा आरो सार्थिस र'ड एबा फिसा लामाफोरनि फोनांजाबनाय जायगाफोरवबो बेफोरबादि सांग्रंथियारि हर्दिं आरो स्पिड ब्रेकर फसंनो बिथाड सोमोन्दो थानाय बिफानारिखो बुनायजों लोगोसे बोफोरबादि लुफुंजाय एबा फसंनय हाबाफोरखौ फैगो 3 दाननि गेजेराव आबुं खालामनोबो गिबि मन्थिआ बिथोन होयो।

दिनैनि बे सावरय जथुमाव गिबि मन्थिआ लामा सांग्रंथिनि सायाव सुबुं सांग्रंथियारि सोरजिनानयनि थाखाय फैगो दाननैनाडे थारु'नाय गैयालासे मोनसे गोखों फोसावनाय हाबाफारि आखायाव लानोबो हान्या मेला बिफानखौ बिथोन होयो। बे बिथिडव राइजो-राजाफोर मोनथिनायनि थाखाय सेबखानाय आरो मोब्लि बिजॉनि गेजेरजों गोसोयाव लाखिनो हाथाव एडभारटइसमेन्ट एबा मिथिसार होनायखौ फोसावनायनि राहा लानायजों लोगोसे बे मावथांखियाव गेलेमु आरो हारिमुवारि मुयुगनि मुंदांखा स्टरफोरखौबो फोनांजावफनानयनि थांखि लानो गिबि मन्थिआ बिथोन होयो।

दिनैनि बे जथुमाव हान्यामेला बिफाननि चिफ सेक्रेटयरी के के द्विबेदी, गिबि मन्थिनि चिफ सेक्रेटरी समिर कुमार सिनहा आरो हान्यामेला बिफान, एन एडस ए आइ, एन एडस आइ डि चि एल, पि डब्लिड डि (न' आरो राजा लामा)बिफाननि गोऊँ थारोनि बिफानगिरिफोरबो बाहागो लादोंमोन।

(□ 1 बिलाइनिफ्राय)

बाक्सा जिल्लानि उन्दै बैसोनि क्रिस्टिलिना बसुमतारीआ केन्सार बेरामजों जुजिगासिनो

देहा फाहामसालियावबो थिसनहेंदोंमोनब्लाबो जेबो मोजों फिथाय मोननो हायासै। उनाव देहा फाहामगिरिनि बोसोन बादिदै गाहाम फाहामथायनि थाखाय चेन्नाइसिम लानानै थाडो। चेन्नाइनि पेरुम्बाकाम ग्लेनियेग 'ल रलबेल हेल्थ सिटि मुनि देहा फाहामसालियाव थिसनहैनयाव देहा फाहामगिरिया क्रिस्टिलिनाखौ केन्सार बेरामजों भुगिदों होनानै फोरमायथियो। देहा फाहामगिरिया क्रिस्टिलिनानि फाहामथायाव गोबां लाख रं खरसा जागोन होनानै फोरमायथिनायाव दुखुथिया नखरा आथिखालाव रांखाथिनि आंखालजों भुगिनांदों। बेनिखायनो क्रिस्टिलिना बसुमतारीनि बिफा-बिमाजों लोगोसे समाज सिबियारि बिबों तनु बसुमतारीआ केन्सार बेरामजों भुगिनांनय क्रिस्टिलिना बसुमतारीनि फाहामथायनि थाखाय आसामनि गिबि मन्थि ७ हिमन्त बिरव शर्माजों लोगोसे रज्योनि सुबुं अनसायगिरिफोरनिमिस रांखाथिथियारि मददिनि आर'ज गाबहरदों। गोसो गुदु सुबुं अनसायगिरि राइजो-राजाफोर मुसलपुर दालाइ एस बि आइ नि एकाउन्ट नं : 35276421356, आइ एफ एस सि नम्बर: SBIN0005243 नम्बरव दुखुथिया नखरनिमिस रांखाथिथियारि मदद हरोनो हागोन।

ढेकियाजुलिआव मन्थि अशक सिंहालआ पार्क बेखेवदों

बियाबनि एम.एल.ए.ए.बो मन्थि अशक सिंहालआ फाखोरनैसो साईकल सालायनायजों लोगोसे सनितपुर जिला बेंगिरि आरो सनितपुर जिला एम.पि.आबो जिम न 'ब्लॉयाव फाखोरनैसो साईकल सालायनानै देहानि सर्सा खालामनाय नुयो। ढेकियाजुलिनि नामसुबुरि पानबारियाव मोनसे देहानि सर्सा मिरु आरो खुदिया बिबार बागान बेखेवनायै बे देहानि सर्सा केन्द्रखौ गोसोखां प्रधान मन्थि अटल बिहारि बाजपेथिनि मुडै-दोननाय जाथों होनना फोसावो एम.एल.ए. अशक सिंहालआ। गामियारि ओनसोलाव गेलेमुयारि बोबबना लानायजों लोगोसे गेलेमु दिन्थिफुंजायजों हादतयाव एबा जोनोमपुरियाव गोमाथाय लाबोनो हानाय अलिम्पिक मेडल सोरजिनो हानाय लाभलाना बरगाहइजों लोगोसे हादतयाव गोमाथाय सोरजिनो हानाय अकुसिता बर', जमुना बर' बिथांमोन बायदि जोनोम लागोन। बिनिखायनो ढेकियाजुलि बियाबनि मोन 18 गामि पन्चायतनि ओनसोलाव बे रोखोमैनो फैयाथानाय समाव देहा सर्सानि मिरु बेखेवनाय जागोन आरो गोदान गोदान हाबाफारिखौ लानाय जागोन होनना बुंथियो ढेकियाजुलि एम.एल.ए.ए.बो दे रानसरथाय मन्थि अशक सिंहालआ। लोगोसे बेखार लाइमोन गथ 'फोयबो एरैनो थायालासिनो बे जिमनि गेजेरजों गावखौ फसंथानो हागोन आरो बेमार आजारनिफ्रायबो जानगर जानो होना बुंथियो।

रेवेरेवा नारजिहारीआ गोगलैसोनाय गोरिब नख 'राव खौरां लाहेंदों

बिथांजों लोगोसे बाहागो लादों गसाइगाव महकुमानि इरुपिपिएल दोलोनि आफादगिरि बिथां जिरन बसुमतारी, जुमदुवार बियाबनि टिर्सिएलसि सियारमेन निरद नारजारीजों लोगोसे इउपिपिएल आरो बिजेपि दोलोनि मावथिफोरबो बाहागो लायो। 4 नं जुमदुवार बियाबनि सिडव थानाय कक्सगुरि गामिजों लोगोसे बल्लामगुरि गामिनि गोरिब जायफोरा बिटिसि एकडै जाजेनानयनिफ्राय जाय नख 'रफोरा जेबो सरकारी सुबिदा मोनाखै बेबादि नखराव नायबिजिरनयजों लोगोसे गोनां जेनाफोरखौ खौरां लाहेंदों मावफुं सोद्रोमा बिथाड। लोगोसे फैयाव थानाय समफोराव साफ्रोमबो सुबुंआनो सोरकारी सुबिदाखौ जाहाथे मोनो हायो बेनि फारसे नोजोर होनो थाखायबो भि सि डि सिनि गाहाइ मासिगिरि फोरखौबो खालायो बिथाड आरो गामि ओनसोलाव थानाय गोबां नख 'रफोरा गाव-गावनि आरो अबेहेला खालामनानै लानायनि थाखायबो सरकारी सुबिदा मुलाम्फा खालामनानै लानो हायाखै होननाबो बुंथियो बिथाड आरो मोनसे सुबिदा लानो गोनां जानाय फोरमान बिलाय जैरै-आधार कार्ड, पेन कार्ड, भतार कार्ड, बायदि बायदि गैया जायनि जाहोनाव सरकारी सुबिदा निफ्राय गोदान जानो गोनां जादों होननायै खौरांगिरिफोरनि सिगाडव फोरमायदों बिथां रेवेरेवा नारजिहारीआ।

(□ 1 बिलाइनिफ्राय)

गिबि मन्थिआ रुद्राक्षनि फुलि गायनानै गुवाहाटीनि फेन्सि हाथायाव थानाय गोजाम

अशक सिंहाल, एम पि कुइन अजा आरो एम एल ए सिद्धार्थ भट्टाचार्यजों लोगोसे गोबां बिबांनि मेलेमजिबि सुबुंफोरबो बाहागो लादोंमोन। मख 'नो गोनादि गोजाम जोबथेसालिनि 56 बिघा, 2 कथा, 5 लेसा हायाव 38.51 कौटि रं बाहायनानै पार्कजों लोगोसे गुबुन खाबुफोरखौ खालामनाय जागोन। बे थांखिजानाय पार्कआ नोगोमानि थागिबि सुबुंफोरखो गुबुले आबहावा गैयै बार मोननो हानायनि बिथिडव जरखायै मदद खालामगोन। बे पार्कआव गायजानो गोनां गुबुन गुबुन रोखोमनि बिबार, फिथाइ एबा मुलियारि आबहावा सरैखाथि आरो आबहावा बिगियानिफोरखौ मिथिगानि सोरगिदिं नायसंनयनि बिथिडवबो जरखायै हेफाजाब होगोन। गुवाहाटी नोगोमानि जोगाथाय बिफानजों गायसनजानो गोनां बे पार्कआ नोगोमानि सुबुंफोखौ जिरायनयनि खाबु होनानयनि अनगायैबो गुबुन गुबुन रोखोमनि बिबार, फामे फुग्नि, जाग्रा मुवा-बेसादिनि ग'ला, पार्कि बायदिफोरनिबो राहा थागोन। दिनैनि बे हाबाफारियाव गिबि मन्थिआ मोनसे प्रेजेन्टेशन गेजेरजों बिथांखिनि सोमोन्दै सुलु लायो।

दैं फुंखा मन्थि पिजुस हाजरिकाआ चिरांनि दैं बाना आरो हा खुरखानायखौ खौरां लाफैदों

सावरयलायनायजों लोगोसे बिथाड रैखाथि बादायाव थाहैनय सुबुंफोनि सायाव सुलु लानानै मुवा-बेसाद रनानै होयो। बिजनीनि सिसुवारिआव माक्रा दैसानि हा खुरखानायखौबो बिथाड नायगिदिहैनानै हा खुरखानायखौ होबथानायनि राहा लानो थाखा बिफानारि बिबानगिरिनो बिथोन होयो। बे हाबाफारियाव मन्थि पिजुस हाजरिकाजों लोगोसे बि टि सिनि गाहाय खुंगिरि प्रमद बर', 31 नं बिजनी बिधान सभा बियाबनि एम एल ए अजय राव, 33 नं सदिली बियाबनि एण एड ए जयन्त बसुमतारी, बि टि सिनि मावफुं सोद्रोमा धनन्जय बसुमतारी, चिरां जिल्लानि जिल्ला बेंगिरि नरेन्द्र कुमार साह, बिजनी महकुमानि महकुमा बेंगिरि आरो बिफाननि बिबानगिरिफोरबो बाहागो लादोंमोन।

कक्राझारआव 75 थि उदांसि सान फालिदों


बिरहोयो। बेबायदिदैयो कक्राझार जिल्ला खुंथयनि बानजायनायाव जिल्लानि सिहाव थानाय गासैबो महकुमाफोरवबो गा 75 थि उदांसि सानखौ फालिनाय जायो। महारियारि फिफलिताखौ बिरहोनायनि सिगां प्रमद बर'आ मुंखलंफोरनो मान बाउवो। बे हाबाफारियाव आसाम पुलिस आरो महगाईफोरनि मार्चपास्ट दिन्थिफुंजायै मान होनायखौ नाजावो। बर' गावनि बिबुंधियाव हादोरनि थाखाय गावसिनि आगोमा जिउ बाउसोमनाय दावहारफोरखौ गोसोखांथिनायै मान बाउवो। बिथाड बुडेदि हादोरनि नोगोरारिफोरा महात्मा गान्धी आरो गुबुन उदांसिनि दावहारफोरनि सानथौखौ फोथानानै लाखिनांगोन। बिथाड बुबावोदि इउ पि पि एल- जि एएस पि-बि जे पि जुथाय सरकारा दाजानायनि उर्ननिफ्रायनो सरसनखा सुबुंफोरखौ फोजौखानायनि बिथिडव खामानि मावबोगासिनो दं। लोगोसे बि टि सि सरकारा फारफोमबो बिथिनि जौगाथायाव जाखल 'थायखौ फोजोबखानायनि सायाव खामानि मावबोगासिनो दं। बिथाड बुबावोदि बि टि सि सरकार आरो रज्यो सरकारा सावरयनायनि बिथायाव फैनाय गासैबो बिग्रायारि हान्जा बिरसा कमान्ड फर्च, कत्रा उदखारि हान्जा बायदिफोरनि जेनाखौ सुखानो नाजावोदों। गोगो रज्यो दानो गोजोन आबहावानि गोनांथि दं होनानै बिथाड बुडे। बिथाड गथ 'सा लांखारनाय आरो आइजोफोरनि हेंथायै बेरखा जाथाय सोमजिहोनायखौ बन्द' खालामनो गासैबो नोगोरारिफोरखौ खौसे जानो खालायहरो। बे हाबाफारियाव बि टि सिनि बुंथिगिरि कातिराम बरगासैबो नोगोरारिफोरखौ, एम एल ए लरेन्स इस्लारी, मावफुं सोद्रोमा रेवेवा नारजिहारी मोनहाबो बाहागो लादोंमोन। बे सावखालिनो बि टि सिनि गाहाय मावफुं सोद्रोमा प्रमद बरगासैबो नोगोरारिफोरखौआ कक्राझार आर एन बि देहा फाहामसालियाव दावबायहैनानै बेरामिफोरनि सोमोन्दै सुलु लाहैनयजों लोगोसे बेरामिफोरनि गेजेराव फिथाइ-सामथाय रनानै होयो। गुबुन फार्सीथि इउ पि पि एलनि कक्राझार जिल्ला लाइमोन आपादिनि बानजायनायाव बनराग्वनि खाग्राबारि गेलेग्रा पोथाराव खुंफुंजाय ब्लक नाडरि फुटबल बादायलायनायखौबो प्रमद बर' बेखेवनायै होयो।

अखिल गगैआ मोसौ रैखाथि बिलनि हेंथा खालामनाया मिनिथाव: आसाम राइज्योयारि

2021 'नि बागै शिवसागरनि एम एल ए अखिल गगैआ मैया खौरां बिजॉनि गेजेरजों हेंथा होनाय हाबया जोबोर मिनिथाव। बे आयेननि गेजेरजों राइज्योनि गोबां बिखांनि राइजोफोरनि गोसोनि मोनदांथिखौ मान होनाय जादों होननायै बि जे पि आसाम प्रदेशनि बुंथिगिरि लक्ष्य कुँवरआ मोनसे खौरांगिरि मेलनि गेजेरजों फोरमायदों। अखिल गगैआ हारिनि बिफा महात्मा गान्धी बिबुंधिखौ थारलायै नेवसिनानै मैया खौरां बिजॉनि सिडव जा बिबुंधि होबाय बेखौ बि जे पि आसाम प्रदेशआ गोखों रवजों सांखारिदों। बेरफारसेथिं मौजू रैखाथि आयेन 2021 आ जायखिजाया धोरोमारि सुबुंफोरनि जाग्रा हुदायाव सोलायनाय लाबोया। सासे सायख 'जानाय सुबुं दैदेनगिरि महरै अखिल गगैआ मोननैसो जर'खा धोरोमारि सुबुंफोरखौ गोजोनहोनो थाखाय होनाय बिबुंधिया सांखारिजाथाव। जारिमिनारि बिथिडे बाबरखौ लाफानानै गोबांसा मुसलमान खुंगिरिया भारतआव मौजू बुथारनायखौ जेबो बिबुंधि होबोयाखैमोन। बे आयेननि गेजेरजों हिन्दु धोरोमारिनि सुबुंसानखो बांसिन थानाय ओनसोलाव मोसौ बुथारनायखौ होबथानायनि जाउनाव रोखायै हिन्दु धोरोमारि राइजोराजाफोर 'रंजनायल' नडा बे आयेनआ हिन्दु-मुसलमाननि गेजेराव मोनसे गोरोबलायनायनि बिदिन्थि जागोन। अखिल गगैआ मुसलमान आरो ख्रिष्टियान राइजो राजाफोरताव निमाहा बिनाय बिबुंधिया सासे गोबो गोलोन्दोनि आखु, बेनि अनगायै बियो हिन्दु समाजनवसो जेबो रदाय गैयाजसे निमाहा बिनाया गोनांथार। कृसक मुक्ति संग्राम समिति आरो सत्र मुक्ति संग्राम समितिआ मोसौ रैखाथिनि आयेनआ गनायथि जानायनि उर्ननिफ्रायनो आसामनि मेंनो रोडे गिबि मन्थि ७ हिमन्त बिरव शर्माखौ थांखिनानै जायफोर आयेनगैयै सोदोब बाहायदों बेखो गोखों रवजों सांखारिनायजों लोगोसे बेफोरबादि हावनिफ्राय जानगाराव थानोबो राइज्योयारि बिजेपिनि बुंथिगिरि लक्ष्य कुँवरआ सांग्रंथि होयो।

रितेश देशमुखआ तमन्नाजौ लोगोसे डिजिटल डेव्यु खालामसिगोन

गोदान दिल्ली, 16 आगस्ट: बलिउडनि मुंदांखा फावगिरिपोरनि गेजेराव थाफादेसनाय रितेश देशमुखआबो आथिकालाव डिजिटल प्लेटफर्मनि फार्से आवगायदों। समबारखालि रितेशआ गावनि गिबि सावथुनखौ फोसावदों, जाय अटिटि प्लेटफर्मआव रिलीस जागोन। बे सावथुनआव रितेशजौ लोगोसे तमन्ना भाटियाआ फेमेलनि गाहाय फाव खालामदों। बे सावथुनआ नेटफिलक्सआव रिलीस जागोन। रितेशआ सावथुननि



माखासे सावगारिफोरखौ शेयार खालामनानै फोसावदोंदि, नेटफिलक्सजौ लोगोसे गाव-

सावथुनफोरखौ बानायखांबाय। बेराफार्से तमन्ना भाटियाआ बेनि खौरंखौ होनानै लिरदों-नोथानि सानानयनि यजनाफोरा मा ? बांद्राय सानो नाडा मानोना नेटफिलक्सआव प्लान ए प्लान बीआ फे सिगोन। नोंतानि नायगोनखौ नेनानै दड। मख 'नो गोनानि, तमन्नाया लान्श्रियै अटिटि प्लेटफर्मसआव हाबा मावदों। डिजिटल प्लेटफर्मसआव रिलीस जानो गोनाने बे सावथुनआ तमन्नानिबो गिबि सावथुन। आथिकालाव वेब सिरिजआव बियो लान्श्रियै हाबा मावदों। तेलिगुआव 11 थि अभार आरो तामिलआव नभम्बर स्टीरीजौ बियो अटिटिनि मुलुगुआव आगान होखांबाय। प्लान ए प्लान बीआ रमान्ति कमेडि सावथुन, जायनि सल'आ सासे मेचमेकार आरो डिभर्स

लयारनि बेंखन्थायाव थायो, जायनिगा गावनि मोनसे सेक्रेट दड। मेचमेकारनि बादिल्ला, गावनि अनगायै साफ्रोमबो जुलि जानांगौ। जेव्ना बिसेर सानैआ लोगो मोनलायो अब्ला सावथुनआव गोमोथाव थासारिआ सोमजियो। सावथुननि स्टीरिखौ रजत अरड़ाया लिरदों, जेराव बेखौ त्रिलका माल्हा आरो केआर हरिशआ प्रडिउस खालामदों। रितेश दिशमुखखौ जोबथा खेव 2020 आव रिलीस जानाय सावथुन बागी 3 आव नुनो मोन्दोंमोन। बे सावथुनआव रितेशआ टाइगर श्रफनि बिदा गिरिनि फाव खालामदोंमोन। रितेशआ रमान्ति-क-कमेडि सावथुनफोरनि गेजेरजों इन्डास्ट्रीआव गावनि आलादा सिनायथिखौ बानायदों।

बिग बस अटिटिनि उनाव बे श्व'आव सिद्धार्थ शुक्ला आरो शेहेनाज गिलखौ जयै नुनो मोनगोन



मुम्बाइ, 16 आगस्ट: बिग बस बादायारि सिद्धार्थ शुक्ला आरो शेहेनाज गिलनि जगोनिया गोबां फेन फलई दड। बिग बस 13 नि उनाव बिसेर सानैखौ फेन्सफोर सिडनाजनि मुंजों गाबत्रियो। शसेल मिडियाआव सिडनाजआ सम सम ट्रेन्ड खालामबाय थायो। शनिबारआव बिग बस अटिटिआव सिद्धार्थ आरो शेहेनाजखौ जयै नुनो मोन्दों। नै बोसोरनि उनाव बिसेर सानैखौ बिग बसनि न'आव नुनायनि उनाव बिसेरनि फेन्सफोर गोबां खुसि जादों। आथिखालाव कालास सेनेलआ आरोबाव मोनसे अन्थोब होनो थियारि जादों। सिद्धार्थ शुक्ला आरो शेहेनाज गिलआ डान्स दीवानेनि सेटआव सौहेगोन। इन्डियानि बे फेभराइट जराया आरोबाव खनसे दोहौ सोमजिहोनो थियारि जादों। सोराडव फैनय प्रम'आव शेहेनाज आरो सिद्धार्थखौ जयै नुनो मोन्दों। भिडियआव शेहेनाजआ गावनिनो धुनआव मोसाग्लाडो। फेन्सफोरनो अन्थोब होनानै शेहेनाजआ बुडोदि, जेव्ना सिद्धार्थआ लोगोसे थायो अब्ला गोसोआनो जावलिया जायो। बे सप्ताहआव जौं फेगोन। लाभ स्पेसिएलआव मोजां मोनानयनि मोसानो। आथिखालाव बेखौ फोरमायनाय जायाखेदि बे एपिसडखौ माब्ला फोसावदि खालामगोन। बिग बस अटिटिआव सिद्धार्थ आरो शेहेनाजआ सावथुन कभी खुशी कभी गमनि देखो सुरज हुआ मद्धमआव रमान्ति क मोसानायजौ लोगोसे एन्ट्रि जादों। बेनि उनाव शेहेनाजखौ करणआ बुडोदि, नोंजों आं गिबि खेव लोगो मोन्दों। जेराव शेहेनाजआ बिन्दास आखुआव बुडो-आंखौ गोलेँयैनो मोना। बेखौ खोनानानै साफ्रोमबो मिनियो।

सेफ आली खाननि जोनोम सानआव करिना कापुरआ मालद्वीपनिफ्राय सावगारि शेयार खालामदों

गोदान दिल्ली, 16 आगस्ट: बलिउड फावखुंगुर सेफ आली खानआ दिने गावनि 51 थि जोनोम सान फालिदों। बे खाबुआव बियो गावनि नख'नि सुबु फोरजों लोगोसे मालद्वीपआव सौहेदों आरो बेवहाय क्वालिटी टाइम स्पेन्ड खालामदों। जेहनि जोनोमनि उनाव बेयो गिबि खेव, अदेबानि करिना आरो सेफआ जेरावबो गुबुन हादरआव बेरायनो थाडाखेमोन। फावखुंगुरिआ गावनि इनस्टाग्रामआव मालद्वीपनिफ्राय माखासे सावगारिफोर शेयार खालामनानै गावनि फिसाइनो जोनोम साननि गाहाम हामलायथि होदों। बे सावगारिफोराव करिना आरो सेफजों लोगोसे तेमुर आली खान आरो जहांगीर आली खान एवा जेहखौबो नुनो मोन्दों। मोनसे सावगारिआव बिसेर सानैखौ बीच सेरनि सुइमिं फुलआव उदां आखुआव थानाय नुनो मोन्दों। सावगारिआव बिसेर सानैखौ बीचखौ दानाय नुनो मोन्दों, बेराफार्से गुबुन मोनसे सावगारिआव सेफ-



करिनाया रिजर्टनि बाइजोआव जिरायदों। बिसेरजों लोगोसे तेइमुरआवो जिरायदों आरो करिनानि खाथियाव जेहआ गोलांदों। बे सावगारिआव जेहखौ रोखा नुनो मोन्दों, नाथाय माखासे सावगारिफोर बादिनो बे सावगारियावबो बिनि महरखौ रोखायै नुवाखे। सावगारिखौ शेयार खालामनानै फावखुंगुरिआ लिरदों, जोनोम साननि मोजां मोनानय...जोबथासिम आरो बेनिफ्रायबो बांसिन नोंजों लोगोसे आं बेबादिखौनो हास्थायो। करिनानि पस्टरआव बिनि बेस्ट फ्रेन्ड मालाइका

आरड़ा, अर्जुन कापुर, अमृता आरड़ा आरो सेफनि बिनानाव सवा आली खानआबो कमेन्ट खालामदों। मलाइकाया कमेन्टआव लिरदों-हेप्पी बार्थडे आनि आन्जालु सेफु। बेबादिनो अनजुन कापुरआ लिरदों-हेप्पी बार्थडे जौनि बिभुति भइया। करिना कापुर खानआ बावैसो समाव गावनि बिजाव करिना कापुर खानस प्रेग्नेन्स बाइबलखौ लन्ड खालामदों। बे बिजावआव बियो गावनि उन्दै फिसाज्ला जेहनि आबुं मुंखौ फोसावदों।

रियानि जुलियाव सौहेनाय सनम कापुरखौ नुनानै फेन्सफोरनि गेजेराव माखासे सोंथिया सिखांदों

गोदान दिल्ली, 16 आगस्ट: अनिल कापुरनि उन्दै फिसाजौ रिया कापुरआ गावनि वयफ्रेन्ड करण बलुनीजों लोगोसे जुलि जाबाय। बे समाव बिब' सनम कापुरआ गावनि फिसाइ आनान्द आहुजाजों लोगोसे सौहेदोंमोन आरो पपराजीनि थाखाय पजबो होदों। ससियेल मिडियाआव सावगारिफोरखौ नुनानै फेन्सफोरनि रिपेक्सनआ फेदोंदि, सनम कापुरआ प्रेग्नेन्ट नामा ? बिनानाव रियानि जुलियाव सनम कापुरआ गावनि समायनाजों गासिबो लाइम लाइटखौ गावनि फार्से बोनो हादोंमोन। पेस्टल गोथां गावनि अनारकलीआव साजायनाय सनमखौ गोबां मोजां नुदोंमोन। साफ्रोमबोनि नोजोरा सनम कापुरनि सायावनो गोलेँदोंमोन। बे



सावगारिफोरखौ नुनानै फेन्सफोरा गोबां खुसि जादों। नाथाय बेजों लोगोसेनो बिखौ सन्देह खालामदोंदि, सनम कापुरआ प्रेग्नेन्ट जाबाय नामा ? बेयो गिबि खेव नडा, बेनि सिगांबो जेव्ना सनमआ लन्डनिफ्राय भारतआव फेफिन्दोंमोन अब्ला बिफा अनिल कापुरआ बिखौ

सेयार खालामनानै फेन्सफोरनि गासिबो सोंथिनि फिन्नायखौ होदों। माखासे सान सिगांसो सनमआ मोनसे भिडियखौ सेयार खालामनानै गावनि प्रेग्नेन्सीनि खौरांफोरखौ दोन्थ'दोंमोन। सनमआ भिडियखौ सेयार खालामनानै बियो केप्सनआव लिरदों, आंनि परिचयडसनि गिबि साननि थाखाय गरम दैनि बतल आरो हायजेनि साहा। बे भिडियनि गेजेरजों आथिखालाव सनमआ गासिबो नंखाय बाध्रा बानसावनायफोरखौ बोखारनानै होदोंदि, गाव प्रेग्नेन्ट नडा।

सहराव थानो नागिरनायनि बिबोनाड बिबाजैखौ बुथारदों

हरदइ, 16 आगस्ट: हरदइआव समबारखालि फुडव मोनसे गिखंथाव जाथाया सोराडव नुजाथिदों। अदेबानि बेयाव बिबाजैखौ बुथारनानै गावबो गोदोना सेस्थेनानै लायो। बिखौ गोब्राबे जोखोम जानाय थासारिआव जिल्लानि देहा फाहामसालिआव थिसननाय जायो। बे जाथाया नख'रारि जेनानि जाहोनाव जादों होन्नानै सुलुडव फोरमायदों। गामियारिफोरा बुनाय बादिल्ला, दिल्लीआव थानो नागिरनाय बिबाजैखौ हेंथा होदोंमोन। बे केसनि सोमोन्दै गासेखौबो नायबिजिरगासिनो दड होन्नानै एएसपआ फोरमायदों। मख 'नो गोनानि, जलालपुरनि थागिबि कौशलआ दिल्लीआव खामानि मावनो थाडोमोन। दासान्दि बियो नख'रजों लोगोसे गामियावनो दहैयोमोन। बिमा रामबतिआबो खिनो थादोंमोन। न'आव कौशलनि बिसि सुनिता आरो कौशलनि फेबाय रामसागरल' दडमोन। जेव्ना बिमा रामबतिआ फेफिनो अब्ला बियो नुयोदि, सुनितानि गोथै सहआ लॉगोनायाव गोलेँनानै दडमोन। खाथियावनो रामसागरआबो गोलेँनानै दडमोन। बिनि गोदोनायाव नेस्सन दडमोन आरो सुनितानि गोदोनायाव

काचि आरो गुबुन गोबाँ हाथियारजों गालोवनायमोन। बेनि उनाव रामबतिनि हसिखावनायाव खाथि-खालानि सुबुफोरा खारबोनानै मिथिनो मोनोदि, रामसागरआ सुनितानि बुथारनानै गावनि गोदोनाखौ सेस्थेनानै लादों। बिखौ गोब्राबे थासारिआव जिल्लानि देहा फाहामसालिआव थिसननाय जायो। कौशल आरो नख'रनि सुबुफोरा जाथायनि जाहोनखौ फोरमायनो हायाखे। बेराफार्से गामियारिफोरा बुडोदि, कौशलआ समबारखालि नख'रजों लोगोसे दिल्लीआव थानांगोंमोन। नाथाय रामसागरआ बिबाजैखौ दिल्लीआव थानांनो बादोंमोन आरो बे बाध्राखौ लानानैनो दावराव-दावसि जायो। अदेबानि रामसागरआ सोलो बानायनानै बे जाथायनि फिन्नाय होयो। ओरैनोथ' सानफ्रोमबो फुडव आबादथिलियाव थाडोमोन। नाथाय समबारखालि फुडव बियो थाडवखे आरो ब्यबो न'नि बाइजोआव थानायखौ नेबाय थानानै खालु मोननाय लोगो लोगो बिबाजैखौ बुथारनानै गावबो गोदोना सेस्थेनानै लायो।

गाहाम देहानि राहा

हौवाफोरा गाइखेराव थाइनै खेजुर गलायनानै लोडेब्ला मुलाम्फा मोनगोन

जुदि नोंथाडा देहायारि लोरबां मोन्दादोंब्ला खेजुर आरो गाइखेरखौ आजावनानै लानो हागोन। बे मुवाफोरखौ नेमखान्थि बादियै लोडेब्ला देहाया माखासे रोखोमनि मुलाम्फा मोन्नो हागोन। जर'खायै बेयो हौवाफोरनि देहानि थाखायबो मुलाम्फा गोनां। हेल्थ एक्सपार्टफोरा गाइखेरखौ मोनसे आदार महरै गनायो आरो खेजुरआबो सुपार फुडनि केटेगिरिआव दंफाओ। बेबादियाव जेव्ना जौं बे मोननैखौ लोगोसे जायो अब्ला बेनि मुलाम्फाया माखासे गुण बारायो। मुंदांखा आयुर्बेदिक डा: अबरार मुलतानीनि बादिल्ला, केलिसयाम, प्रटिन आरो भिटागिनजों बुंफबनाय गाइखेर आरो ग्लुकज, फ्रुकटजजों बुंफबनाय खेजुरआ देहानो थाबेनो एनार्जि होयो। बेखौ नेमखान्थि बादियै जानायजों नोंथाडा माखासे बेरामफोरनिफ्राय जानगाराव थानो हागोन। जेव्ना खेजुरखौ गाइखेरआव सोमनानै माखासे समसिम गलिहोयोब्ला बेनि देहायारि मुलाम्फाया 100 गुण बाडो। आथिखालाव बेखौ



जानायजों एनीमिया बायदि बेरामफोरखौ गाहाम खालामनो हागौ। (1) डा: अबरार मुलतानीनि बादिल्ला, खेजुरआ रोखोमसे एरैबादि जाग्रा मुवा, जाय बिमानि देहाखौ गोखोडै लाखिनायजों लोगोसे गथ'सानि जौगाखांनयनि थाखायबो मुलाम्फा गोनां जायो। बेबादियाव जुदि नोंथाडा मोसौ गाइखेरआव खेजुर सोमनानै जायोब्ला देहायाव अक्सिसिननि बिबाड बाडो, जाय डिलिभारिनि समाव इउटरसनि सेन्जिटिभटीखौ बारायहोनायनि खामानिबो मावो। (2) खेजुरआव गोबां बिबांनि एन्टिअक्सिसिन्ट मोननाय जायो, जाय एन्टि एर्जि गुणजों बुंफबनानै थायो। बेजों

स्क्रीनआव बैसो बांनयनि गोहोमआ खम जायो। (3) जेव्ना देहायाव आयरनि आंखाल जायो अब्ला बिनाव एनिमिया जायो आरो बेखौ जानगार खालामनो थाखाय नोंथाडा आयरनजों बुंफबनाय जाग्रा आदारखौ जानांगौ। गाइखेरआव खेजुर गलायनानै लोडेब्ला बेजेनाया जानगार जायो। (4) आयुर्बेदिकआव खेजुरखौ मुलि महरै बाहायनाय जायो। बेयो हौवाफोरनि देहानि थाखाय बांसिन मुलाम्फा गोनां। बेखौ जानायजों बेराम होबथाग्रा गोहोआ बाडो। बेयाव मोननाय मेनीसियामआ देहायाव थानानै सुगाखौ कन्ट्रल खालामो, जायनि जाहोनाव डायेबिटिस बायदि जेनानिफ्राय जानगाराव थानो हायो।

रुंसारि जानाय मिउजिकशियान खय्यामनि बिसि जगजीत कौरआ 93 बैसोर बैसोआव रंसारि जाबाय

गोदान दिल्ली, 16 आगस्ट: बलिउड इन्डास्ट्रीनिफ्राय मोनसे गात्रि खौराड सोराडव फेदों। मुंदांखा मिउजिकसियान रंसारि जानाय खय्याम साहेबनि बिसि जगजीत कौरआ रंसारि जाबाय। जगजीत कौरआ रबिबारनि फुंआव एवा 15 आगस्टनि सानआव रंसारि जायो। जगजीत कौरआ गोबाव समनिफ्राय बेरामआव गोर्लेसोनानै जडमोन, जायनि उनाव बियो 93 बोसोर बैसोआव जोबथा हांबोदों। जगजीत कौरनि रंसारि जानायजों बलिउडआव दुखुनि थासारिया सोमजिखांदों। खौरांनि बायदिब्ला खय्याम साहेबनि बिसि जगजीत कौरआ रबिबारनि 6 रिगायाव रंसारि जादोंमोन। जायनि उनाव गासै 12 रिगायाव बिखौ मुम्बाइनि बिले पालेआव थानाय गोथे सालियाव जोबथा बिदाय होनाय जादों। खय्याम साहेबनि बिसि जगजीत कौरआव देखोगिरिमोन। बियो खय्याम साहेबनि माखासे देखोफोरनो गावनि गारांखौ होदोंमोन। जगजीत कौरनि रंसारि जानायनि



खौरांखौ मुंदांखा जानांलिस्ट बिरल भायानीआव ससियेल मिडियानि गेजेरजों होदों। बिरल भायानीआ गावनि सेयार खालामनाय पस्टनि गेजेरजों फोरमायदोंदि, खय्याम साहेब आरो बिनि बिसि जगजीत कौरआ थैनायनि उनाव गावनि फुरा धोन सम्पतिखौ निखावरि आरो गोनांथि जानाय सुबुफोरनो दान हरदों। खय्याम साहेब आरो जगजीत कौरनिया सासे प्रदीप मुनि फिसाज्ला दडमोन नाथाय 2012 आव हार्ट एटाक जानायनि जाहोनाव बिसेरनि फिसाज्लाया रंसारि जादों। गोबां

बोसोरसिम बिसेर सानैआ गावजों गाव लोगोसेयै जिउखौ हगारहरदों। नाथाय 2019 आव जगजीत कौरआ बे समाव हारसि जादों जेव्ना खय्याम साहेबआ 19 आगस्टआव रंसारि जादों। जगजीत कौरनि वार्कफ्रेन्डनि खौरांखौ बुडेब्ला बियो माखासे देखोफोरव गावनि गारांखौ होदोंमोन। जगजीतआ 1964 याव रिजलिज जानाय सावथुन शगुन'नि देखो' तुम अपना रुज'गम, अपनी पेशनी मुझे दे दो नो गारां होदोंमोन। बे देखोआ बै समआव गोबां हिट जादोंमोन।

अन्ध प्रदेश आव सासे फरायसाखौ दाबा सुरिजों गाग्लोबदों, दायनिगिरिखौ हमबाय

अमरावती, 16 आगस्ट: अन्ध प्रदेशानि गुन्दुर सहराव इन्जिनियारिनि सासे फरायसाखौ सानावनो दाबा सुरिजों सुनानै बुथारनायजों दावराव-दावसि सोमजिदों। राइज्योन नख'र मन्थ्रि एम सुचरिता सरकारि देहा फाहामसालिआव सौहैयो, जेराव फरायसानि गोथौ सहखौ लानाय जादों मोन। नख'र मन्थ्रिआ बे जाथायनि सायाव गोथौयै दुखु मोन्नाय फोरमायदों। बेनि उनाव हराव राइज्योन पुलिसनि गाहाय बिथोनगिरि डिजि स्वांआ बुडोदि, दायनिगिरिखौ हमबाय। बेनि सोमोन्दे डिजिपिआ बुडोदि, जायगानि सुबुंफोरनि मख'जाथाव खौरा होनायजों दायनिगिरिफोरखौ हमनाय जायो। लोगोसे सिसिदिभि केमेरा फुटेजजों दायनिगिरिखौ सिनायनायाव मदद मोनो। गिबि



मन्थ्रि वाइएस जगन महन रेड्डीआ थैनाय फरायसानि नख'रनो अन्सुंथाय महैर 10 लाख रां होनो फोसावो। बिथाडा सोमोन्दो गोनां बिबानगिरिफोरखौ बिसोरनि नख'रखौ जोथोन लाखिनो थिनो।

पुलिसनि बादिव्ला, बे फरायसाया काकानी रडजों

हिन्जावसानि गोदोना आरो उदैयाव सुनानै खारो। जायगानि सुबुंफोरा खारबोनानै थैजों सिगलाबनाय हिन्जावसाखौ देहा फाहामसालिआव लानानै थादों मोनब्लाबो हिन्जावसाया जिउ गोमायो। तेदे पानि गाहाय नेहाथारि आरो एमएलए नारा लके शआ बुडोदि, दलित फरायसाखौ बुथारनाया बै समाव जायो जेव्ला गिबि मन्थ्रिआ उदांसि साननि हाबाफारिखौ सोमोन्दो लाखिबाय थादों मोन। बेनि सोमोन्दे सान्थ्रि गाहाय के पवन कल्याणआ बुडोदि, इन्जिनियारिनि फरायसाखौ बुथारनाया दुखुनांथाव बाभ्रा। फरायसा आरो आइजोफोरनि सायाव बे रोखओमनि जाथायफोरा सरकारनि दायनिगिरिफोरनि सायाव सामलायनायाव जाफूसारनो हायैखौ फोरमायदों।

नएडानि 5 टाला बिल्डिङव गिख्रंथाव अर खामनाय जाथायजों सानै गथ 'फोर थैदों

नएडा, 16 आगस्ट: दिल्लीजों नांजाबनाय नएडानि गंसे 5 टाला बिल्डिङव समबारखालि फुडाव अर नांनायजों सानै गथ 'फोरआ गोथाडै नो अर खामजानानै थैयो। पुलिसआ सानै गथ 'फोरनि गोथै सहखौ गावसिनि बेखनआव लानानै पस्ट मर्टेमनि थाखाय दैथाय हरो। न'आव अर खामनाय खौराड गोसासनाय लोगो-लोगो खाथि-खालानि सुबुंफोरनि गेजेराव दावराव-दावसि सोमजियो। सुलुनि बादिव्ला, नएडा फेज-तीन थाना ओन्सोलाव थानाय दिनेश सलंकिनि न'आव अर नांदों। बे जाथायाव सानै गथ 'फोरा खामथारजायो आरो गुबुन सुबुंफोरखौ रैखा खालामनो हायो। थैनाय गथ 'फोरखौ कृत्तिका(9) आरो रुद्रसी(12) होन्नासि सिनायथिनाय जादों। सुलुनि बादिव्ला, अरआ 5 टाला न'नि बयनिखुइ गाहायसिनि



फ्लुरआव नांदों मोन। बे जाथायनि खौरा मोन्नाय लोगो लोगो जायगायाव सौहैनानै फायार ब्रिगेडनि हान्जाया अरखौ खोमोरनो हायो। बे जाथायाव जोखोम जानानै गासैखौबो देहा फाहामसालिआव थिसन्नाय जायो। बे जाथायनि समाव गिबि टालायाव थाया सा 5 सुबुंफोरा गेस पाइपनि मदद लानानै गाहायाव ओंखारबोना जिउखौ रैखा खालामो। बेराफासं

माखासे सुबुंफोरा सिनि मददजों गाहायाव ओंखारबोयो। मख'नो गोनांदि, थानाय रिबबारखालिबो दिल्लीनि द्वारका सेक्टर-8 आव थानाय हटेल कृष्णाआव अर नांनानै सानै सुबुंफोर थैदों मोन आरो सानै गुबुनफोरा जोखोम जादों मोन। दमखल बिफाननि गं 8 गरिफोरा माखासे घन्टा नाजानायनि उनाव अरखौ खोमोरनो हादों मोन। बे जाथायाव थैनाय सुबुंनि

सिनायथिखौ दिपक महैर होनाय जादों। जेराव बियो थाबाय थायो मोन। बेराफासं थैनाय आइजोखौ सिनायनो हायाखै। पुलिसआ फोरमायनाय बादिव्ला, बे हटेलआ द्वारका खोला पुलिस थानानि सिङव गोलैयो। अर नांनायनि उनाव गासै सा 6-7 सुबुंफोरा दुरंनि मददजों खिरिखिजों गाहायाव ओंखारबोना जिउरैखा खालामनो हायो।

गांदरबलआव लड केरियार बेल्थायनायजों सा 9 जोखोम जादों



श्रीनगर, 16 आगस्ट: गेजेर काश्मीरनि जिल्ला गांदरबलआव कंगननि बुसान ओन्सोलाव समबारखालि फुडाव जानाय मोनसे लामानि जात्रथायाव सा 9 सुबुंफोरा जोखोम जायो। जोखोम जाग्राफोरखौ खाथिनि देहा फाहामसालिआव लानाय जायो। जेराव सानै सुबुंनि गोब्राव थासाखौ नोजोर होनानै बिसोरखौ स्किम्स सौरायाव

थिसन्नाय जायो। पुलिसनिफ्राय मोन्नाय खौरा बादिव्ला, बे गासै सुबुंफोरा लड केरियारआव जिरायदों मोन। मनीगामनिफ्राय कंगन फासं थांबाय थानाय समाव बे लड केरियारआ जेव्ला बुसानआव सौहैयो अब्ला गरि सालायगिरिआ गरिखौ कन्ट्रल खालामनो हायैआव गरिआ लामायाव बेल्थायो। बेयाव गाखोनाय गासै सा 9 सुबुंफोरा लामायावनो बेल्थाय-बेल्सि

जायो। गरिनिफ्राय गोलैनाय लोगो लोगो खाथि-खाला आरो लामायाव सालायबाय थानाय गुबुन गरिफोराव गाखोनाय सुबुंफोरा मदद खालामो। बिसोर थाबैनो जोखोम जाग्राफोरखौ दैखाडे आरो प्राइमरि हेल्थ सेन्टर कंगनआव लानानै थाडे। बेनि गेजेरजों पुलिसनोबो खौरा होयो। डाक्टरफोरा जोखोम जाग्राफोरनो गिबि फाहामथाय होयो। बे समाव सानै सुबुंफोरा गोब्राबै जोखोम जानायखौ नोजोर होनानै डाक्टरफोरा गाहाम फाहामथायनि थाखाय स्किम्स सौरायाव रेफार हरो, जेराव बिनि फाहामथाया सोलिगासिनो दड। आथिखालाव पुलिसआ बेनि सोमोन्दे केस थिसन्नासै जोखोम जाग्राफोरनि बिबुंथिखौबो लाबाय। बेनि सोमोन्दे नायबिजिनय जासिगोन।

के रेबियाइनि हेतीयाव बांग्रिजों थैनाया सा 1,300नि साखाथि सौहैबाय

गोदान दिल्ली, 16 आगस्ट: केरेबियाइनि हादत हेतीयाव रिबबाराव गोखों बांग्रि मावनायाव सा 1,297 जिउ गोमादों आरो सा 2,800 नि बांसिन जोखोम जायो। गोबां अन्जिमनि सुबुंफोर थाग्रा न 'फोर आरो न' बिल्डिङफोरा सिलिंखार जायो, गाहाय मन्थ्रि एरियेल हेनरीआ बांग्रिजों गोहोम गोरलैनाय ओन्सोलावफोराव दावबाय हैयो। मख'जाथावदि, सासे बारग' एमपिआ उरां जाहाजखौ बारहायाव लानानै जोखोम जानायफोरखौ लेस काएसनिफ्राय राजथायनि पर्ट-अ प्रिन्सनि देहा फाहामसालियाव लाबोनायनि राहा खालामना होयो। बे बांग्रिया 7.2 रिक्टर गोखेंथिनिमोन, जाय द्वीप



हादतनि सावगारिखौ सोलाय होदों। फुरा हादतखौबायखोन्दा थुखाफोरखौ बुंफवनाय नुनो मोन्दों, जायगा जायगा गाबखाब गाबसि बायदि दावराव-दावसिनि सोदोब रिखादों। रोजा रोजा सुबुंफोरा बायखोन्दा थुखाफोरयाव थावथानानै थानादों, रैखाथि

हान्जाफोरा बिसोरखौ दिहुन्नो थाखाय नाजागसिनो। बे बांग्रि मावनायजों गोबां अन्जिमनि न' आरो न' बिल्डिङफोरा सिलिंखार जानायनि जाहोनाव लाख लाख सुबुंफोरा उदां लांद जायगायावनो सान बारहोना गोनां जादों। मख'नो गोनांदि, कभिड-19 इनफेक्सन, बावैसो

सिगांआव हादतगिरिखौ जिउ फोजोबनायजों नुजाखानाय राजखाथियारि दिदोमथि गैयै गिख्रंथाव निखावदि एबा आंखालनि गेजेराव मावनाय गिख्रंथाव बांग्रिजों हेतीनि सुबुंफोरनि जेनाया बांसिन जाना फैदों। बोथोर बिफाना हादतनि बोरिमा

ओन्सोलफोराव लैथोमानि बारहुंखा फेगोननिबो सन्देहखौ फोरमायदों। बे बांग्रिनि मिरुखौ राजथायनि पर्ट-अ-प्रिन्सनिफ्राय 125 किल 'मिटर गोजानाव सोनाबहा होन्नासै हमदानो मोन्नाय जादों। बे बांग्रि मावखानायनि उनावबो माखासे घन्टासिम हा सा बाहागोखौ मावनाय मोन्दाथिदों मोन। बेजों न' बिल्डिङफोरनि गावनाया बांसिन जायो आरो माखासे न' बिल्डिङफोरा बायग्रबो। बे बांग्रिजों बयनिखुइबो बांसिने बोरिमा सहर लेस काएसनि मोब्लिव बेबस्थायाबो जेना गोनां जायो, जायजों रैखाथि

जिडिपिनि केसआव आफगानिस्तानआ फारिलाइनि 174 थिआव थादों

गोदान दिल्ली, 16 आगस्ट: आफगानिस्तानआ गोबां बोसोर सिगांनिफ्रायनो दावहाजों भुगिबोनादों। थानाय 20 बोसोराव आमेरिकानि सान्थ्रि आरो तालिबाननि गारलोबनायजों बेनि सिगां तालिबाननि खुंथाय खुंनारनि जाहोनाव आरो बेनिबो सिगाडाव रासियानि सिङव थानानै आरो रासियानि हँथायै गोखों दावहा नांनायनि जाहोनाव आफगानिस्तानआ जौगाखानायाव उन जानानै थालादों। रांखान्थिनि बाभ्रा बुडोब्ला, आफगानिस्तानआ गाहायै गुबुन हादरनि मददनि सायाव सोनारनानै थायो। वर्ल्ड बेंकनि अन्जिमा बादिव्ला, बेयाव गावयारि सेक्टरनि बेखन्थाया गोबां फिसा। बेनि अनगायै आबादनि सायाव हादरनि 44 जौखोन्दो सुबुंफोरा सोनारनानै जिउ खुडे। बेराफासं 60 जौखोन्दो सुबुंफोरा बेनि



आधिथायनि गेजेरजों गावनि खरसाखौ दिहुनो। गावयारि सेक्टरआ अरायबो बेयावनि राजखान्थियारि दिदोमथिखौ लानानै कनपिउजनआव थादों। बेनि जाहोनावनो अराय सम बेनि दाथाया खम जानानै थाबोदों। जेव्लाबो बे सेक्टरआव रैखाथिनि आंखाल नुनो मोन्नाय जादों। बेनि अनगायै राजखान्थियारि दिदोमथि गैयै, इनफ्रास्ट्रुक्चरले सिस्टेम, इन्बेस्टमेननि गुदि बिथायाव जेना, कपरिसनि

जौखोन्दो। बेयावनि गासै खरसानि 75 जौखोन्दोसिमखौ गुबुन हादरफोरनिफ्राय लानाय मददनि गेजेरजों खरसा खालामनाय जायो। मख'जाथावदि, 2001 आव आमेरिकाया तालिबान, अलकायदा आरो आइएसफोरखौ फोजोबसोनो थाखाय आफगानिस्तानआव आगान हैजेन्दों मोन। गासै 20 बोसोर बेयाव थानायनि उनाव आमेरिकानि सान्थ्रिफोरा हादरआव थाफिनजोब्याय। आथिखालाव बेनि 5-8 रोजा सान्थ्रिफोरा 'आफगानिस्तानआव दंसे। वर्ल्ड बेंकनि अन्जिमा बादिव्ला, बेयाव आमेरिकानि सान्थ्रिफोर थाफेनाय समाव हादरनि रांखान्थि राहाया दावखोबोदों। बे समाव हादरआ गोखेंथै जौगाखोबोदों आरो रांखान्थि राहायाबो गोखें जादों।

आफगानिस्ताननिफ्राय थांनो गोसो जानाय सुबुंफोरखौ थांनो गनायथि होनांगौ

वाशिंटन, 16 आगस्ट: हादरगिरि अशरफ गनीनि दैदेनायाव सायख'जानाय सरकारखौ रिबबारखालि जोबसोनोय नुनो मोनबाय। तालिबानआ सिगाडावनो आफगानिस्ताननि खावसे बाहागोखौ दखल खालामदों मोन, नाथाय काबुलआव सौहैनय लोगो लोगो बिसोरो हादरखौनो गावसिनि सिङव फैवाय होन्नासै फोसावो। बेनि गेजेरावनो इउएसएआ बुडोदि, गावनि नोगोरिफोर, गावनि आंगो लोगो आरो हेफाजाबगिरिफोरखौ आफगानिस्ताननिफ्राय रैखाथियै दिहुन्नानै लानो थाखाय काबुल उरां जाहाज गाथोनआव गावनि सा 6,000 सान्थ्रिफोरखौ थिसनगोन। मख'जाथावदि, सिगाडाव जोबोद एसेल' अन्जिमनि सान्थ्रिफोरा बेयाव दडमोन। नाथाय हरखाबै तालिबानआ जैरैथिबो दखल खालामनानै लायो, जायनि जाहोनाव रैखाथिखौ बांसिन खालामनो थांखि लानाय जादों। फोरमायनाय जादोंदि, सेक्टरि अफ स्टेट एन्टी ब्लिंकनआबो गावनि गाहाय हेफाजाबगिरिफोरनि सेक्टरि अफ स्टेटफोरजों गोबां खेब फन खालामदों मोन। नाथाय भारतआ बेयाव गैफाया। लोगोसेनो इउएसए आरो इउरपिय संघनि दैदेनायाव दर 60 नि बांसिन हादरफोरा जुथायै मोनसे फिन फोसावनानै बुंदोंदि, आफगान आरो गुबुन हादरफोरनि जाय-जाय नोगोरिफोरा आफगानिस्तानखौ नागारनो गोसो दड बिसोरखौ थांनो गनायथि होनांगौ आरो उरां जाहाज गाथोनफोरखौ फोनांजाबनांगौ, जाहाथै सुबुंफोरखौ गावबा-

गाव हादरआव लाबोफिनो हायो। गुबुन हादरयारि बिफान आरो रैखाथि बिफानफोरनि मोनसे जुथायै फिननाय फोसावनायाव बुंनय जादोंदि, आथिखालाव हामिद करजइ इन्टरनेसनेल उरां जाहाज गाथोनखौ रैखाथि गोनां खालामनो थाखाय माखासे थांखि आजावदों, जाहाथे आफगानिस्ताननिफ्राय आमेरिकानि आरो सोमोन्दो गोनां मावसुमाफोरखौ सान्थ्रिनि उरां जाहाज आरो सान्थ्रिनि नडै उरां जाहाजफोरखौ रैखाथियै दावबायलांहोना हायो। फिननायाव बुंबावोदि, गावसोर आमेरिकानि जर'खा इमिग्रेंट भिजानि थाखाय गुन गोनां रोजा-रोजा आफगानिस्ताननि सुबुंफोरनि लांनायखौ गोखेंसिन खालामगोन, जेराव सा 2,000 आ थानाय सप्ताहनैआव इउएसएआव सौहैखांबाय। गासैबो थाखोफोरनि थाखाय रैखाथि एजेन्सिनो गनायथि होप्रा आफगाननि सुबुंफोरखौ थैजोडै इउएसएआव लांनायाव सोलिबाय थागोन आरो जायफोरनि स्क्रोनिंआ जानो गोनां बिसोरनि थाखाय उफ्रा जायगानि राहाबो खालामनाय जागोन। गुबुन हादरयारि बिफाननि बुंथिगिरि नेड प्राइसआ बुंदोंदि, ब्लिंकनआ अस्ट्रेलिया, फ्रान्स, जार्मानी आरो नर्वेनि गुबुन हादरयारि बिफाननि बुंथिगिरिफोरजों आफगानिस्तानआव रैखाथि थासारि लाबोनायजों लोगोसे जौगाखोनांनयनिबो आलादायै सावरयदों।

हादतनि सावगारिखौ सोलाय होदों। फुरा हादतखौबायखोन्दा थुखाफोरखौ बुंफवनाय नुनो मोन्दों, जायगा जायगा गाबखाब गाबसि बायदि दावराव-दावसिनि सोदोब रिखादों। रोजा रोजा सुबुंफोरा बायखोन्दा थुखाफोरयाव थावथानानै थानादों, रैखाथि

ओन्सोलफोराव लैथोमानि बारहुंखा फेगोननिबो सन्देहखौ फोरमायदों। बे बांग्रिनि मिरुखौ राजथायनि पर्ट-अ-प्रिन्सनिफ्राय 125 किल 'मिटर गोजानाव सोनाबहा होन्नासै हमदानो मोन्नाय जादों। बे बांग्रि मावखानायनि उनावबो माखासे घन्टासिम हा सा बाहागोखौ मावनाय मोन्दाथिदों मोन। बेजों न' बिल्डिङफोरनि गावनाया बांसिन जायो आरो माखासे न' बिल्डिङफोरा बायग्रबो। बे बांग्रिजों बयनिखुइबो बांसिने बोरिमा सहर लेस काएसनि मोब्लिव बेबस्थायाबो जेना गोनां जायो, जायजों रैखाथि

इन्डियन आइडल 12 नि श्व'खौ देरहानानैबो पवनदीप राजनआ खुसि जायाखै

मुम्बाइ, 16 आगस्ट : पवनदीप राजनआ इन्डियन आइडल 12 नि देरहासारगिरि जाबाय। बियो अरुणिता कान्जीलालखौ उन खालामनानै ट्रफिआव दखल खालामनानै। फाइनालआव सा 6 बादायारिफोरा सौहैदोमोन। बेवहाय पवनदीप आरु अरुणितानि अनगायै महम्मद दानिस, सायली कामबले, शनमुखाप्रिया आरु निहालआ दडमोन। देरहानायनि उनाव माखासे बादायारिफोरा गोबां खुसि जादो, नाथाय पवनदीपआ बेबायदि जायाखै। बियो बुंदोदि, गाव गोबां मोजांखौ हमदाथियाखैमोन मानोना बे स्टेजआव फैनानै साफ्रोमबोनि देरहासारनारयनि मोनथाय दडमोन। पवनदीपआ मानियोदि गोबां समनिक्राय



श्व'नि बादायारिफोरा लोगोसे दड। बेबायदियाव आथिखालाव गावसोरना मोनसे फुरा नख'र जाबाय। पवनदीपआ बुंदोदि, जोबथा समाव गाव बांद्राय सानाखैमोन। गावनि खर' मेलेमआव मोनसेल' बाध्रा दडमोनदि जाय स्व'आव देरहागोन बिनो जौनि गेजेरनि

लोगो जागोन। मानोना गावसोर मोनसे गिदिर नख'र। बेल' नड जेब्ला गाव ट्रफि मोन्दो अब्ला गाव बांद्राय मोजां मोन्दाथियाखैमोन। मानोना गावसोर गासिबो बेनि मोनथाय दडमोन। गावसोर साफ्रोमबो थांखि लादोदि, इयुनआव लोगोसे हाबाफारि मावगोन आरु

स्व'नि उनावबो गावसोर लोगोसेये कन्टेक्टआव थागोन। पवनदीपआ बुंवावदोदि, गावनि नख'रआ बेवहायमोन। गावनि माखासे लोगोफोरा फैदोमोन आरु बिसोर गासिबो गोबां खुसि आरु थुलुंगा होदोमोन। जेब्ला गाव ट्रफिखौ दिखंदो अब्ला गावनि बिमाया गावदोमोन। उत्तरखान्डीन थांगिबि पवनदीपनो बान्था महैरं गंसे ट्रफि, 25 लाख रं आरु गंसे गारिखौ हरदो। 12 घन्टासिम सोलिनाय एपिसडयाव कियार आडबानी आरु सिद्धार्थ मल्हत्राय सौहैदो। बेनि अनगायै दा ग्रेट खालीआबो स्व'आव आलासि जादोमोन। स्व'आव हिमेश रेशमिया, सनु कक्कड़ आरु अनु मल्लिकआ जाज जादो। इन्डियनआइडलनि 12 थि सिजेनखौ आदित्य नारायणआ हस्त खालामदो।

टकिय अलिम्पिकआव बाहागो लानाय भारतयारि गेलेगिरिफोरजो गहाय मन्थिआ लोगो हमदो

गोदान दिल्ली, 16 आगस्ट: भारतनि गहाय मन्थि नरेन्द्र मदिआ दिने 16 आगस्ट समबारखालि गोदान दिल्लीआव टकिय अलिम्पिकआव बाहागो लाहैनाय गेलेगिरिफोरजो लोगो हमज्जलायदो। बावैसो जोबलानाय टकिय अलिम्पिकआव भारतयारि गेलेगिरिफोरा मोजाडे गेलोनानै दिन्थिफुनो हादो। भारतयारि हान्जानिफ्राय टकिय अलिम्पिकआव गासै गं 7 मेडेल देरहानो हायो। जायनि गेजेराव जेभलिन खुबैप्रा निरज चप्राया सनानि मेडेल देरहानो हादो। बावैसो जोबलानाय टकिय अलिम्पिकआव भारतयारि हान्जानिफ्राय सिगांनि



अलिम्पिकनि रुजुनायाव साबसिनै गेलोना दिन्थिफुनो हादो।

बेनि सिगां 2012 नि लन्डन अलिम्पिकआव भारतआ गं 6 मेडेल देरहानो हादोमोन। सुलुंनि बादिब्ला, गहाय मन्थिआ टकिय अलिम्पिकआव बाहागो लानाय गेलेगिरिफोरजो लोगो हमनानै बिसोरजो फुनि जामुंबो जायो। लोगो हमनारयनि सावगारिआ सोराडव फैदो। जेराव जेभलिन खुबैनायाव सना मेडेल देरहानो हानाय गेलेगिरि निरज चप्राजोबो गहाय मन्थिआ फट' सेबखांजादो। बेजो लोगोसे पानिपतनि थांगिबि निरजोबिनि मोजां मोनाय चुरमा मिथाइबो जाहोदो। अलिम्पिकआव

बाहागो लानाय आइजो बेडमिन्टन गेलेगिरि आरु भारतनि जानानै मेडेल देरहानाय पिभि सिन्धुनोबो गहाय मन्थिआ आइस्क्रीम जाहोयो। मख'नो गोनांदि, अलिम्पिकनि बादायनायाव पिभि सिन्धुआ बेडमिन्टननि बादायलायनाय ताकोआव भारतनि जानानै गं 2 मेडेल देरहानो हानाय भारतनि सासेल' गेलेगिरि। बिसोरनि अनगायैबो गहाय मन्थिआ रवि दहिया, दिपक पुनिया आरु गोबां गेलेगिरिफोरजो चुथायै सावरायज्जलायो आरु बिसोरजो लोगोआव फट' सेबखांजायो।

आफगानिस्तानआव तालिबाननि दखल खालामनाया जानो गोनां आइ पि एलनि थाखाय क्रिकेटरफोरखौ खैफोदाव खोख्लैनो हागौ

गोदान दिल्ली, 16 आगस्ट: आफगानिस्तानआव राजखान्थिनि थासारिया मोनसे गोदान थासारिथि गुस्तायदो। बेबायदि थासारियाव गोजां थाखोनि क्रिकेटरफोर गहायै रासिद खान आरु महम्मद न'बिन इयुननि जेना सोमजिगोनखौ नुनो मोनो। बिसोर गेलेगिरिफोरा फैगो 19 सेप्टेम्बरनिफ्राय इउएइआव जानो गोनां आद्रा थानाय आइ पि एलआव बाहागो लागोन। तालिबानफोरा खोला एसियान हादतफोराव गावसोरनि खुंथायखौ गायसन्तो थियारियाव दँसे जेराव हादतगिरि आसारफ गनिआ जेनानि जाहोनाव हादत नागारनानै ताजिकिस्तानआव जायखारलांबाय। रासिद खान आरु नबिआ आथिखालाव

आफगानिस्तानआव गैया, जेराव बिथांमोना इउकेआव जानाय 'डहान्द्रेट' दुनामेन्टआव गेलेगासिनो दं। रासिदआ ट्रेन्ट राकेटसनि जानानै आरु मुहम्मद नबिआ लन्डन स्पिरिटसनि जानानै गावसोरनि रोंगथायखौ नोजोर होनानै जानो गोनां आइ पि एलआव आफगानिस्ताननि गेलेगिरिफोरखौ बाहागो लागोननि आसा खालामदो। बि सि सि आइनि सुलुडाव फोरमायनाय बायदिब्ला, आथिखालाव बेनि फारसे बिबुंथि होनाया गोब्राव, नाथाय बिन फारसे नोजोर लाखिगासिनो दं। अब्लाबो रासिद आरु गुबुन आफगानिस्ताननि गेलेगिरिफोरखौ आइ पि एलआव बाहागो लागोनखौ आसा खालामदो। बेखो

नोजोर होनांगोनदि रासिद आरु नबिआ 21 आगस्टआव 'डू हान्द्रेट' दुनामेन्टनि जोबनारयनि उनाव इउकेआवनो थायोना फिन न' फारसे गिदिबोफिनो। जुदि बिसोर इउकेआवनो थागोन अब्ला बि सि सि आइआ बिसोरखो चार्टर फ्लाइटजो फैनो लिंहरगोन एबा लिंहरा बेनि सोमोन्दै मिथिनो मोनगोन। जेराव भारतीय गेलेगिरिफोरा फैगो 15 सेप्टेम्बरखालि मेनचेस्टरनिफ्राय इउएइ फारसे फ्लाइटजो दावबायगोन। रासिद आरु न'बि सानैबो सानराइजार्स हाइड्राबादिन जाना गेलेयो। बि सि सि आइआ आफगानिस्तान क्रिकेट बोर्डजो थासारिनि सोमोन्दै सावरायगोननि आसा खालामदो।



सत्यमेव जयते
आसाम सरकार



साबायखर
मानगोनां भारतनि गहाय मन्थि
मुखि नरेन्द्र मदिजी
आरु
मानगोनां मिरुनि देहा मन्थि



मुखि नरेन्द्र मदि
मानगोनां भारतनि गहाय मन्थि

मुखि मनसुख मान्दाबियाजी निसिम

आसामनि राइजो राजाफोरनो बेसेन नाडै कभिड भेक्सिन होनायनि थाखाय

JANASANYOG/D/3992/21